

光緒永嘉縣志

永嘉縣志卷之三十四

藝文志十

詩內編

宋

陳寶之研軒

謝公樓上風流客紫髯蕭疎雙鬢白
胸中有氣吐虹霓牀頭無金失顏色
問君借取騎鶴錢更欲吸盡長鯨川
出門雙槩破寒碧去學五湖風月仙

周行已贈沈彬老

永嘉人物衰斯文久零替學徒寡道心
日與風俗敝我生衰敝後上思千載事
實欲問里閒一一蹈仁義敬重鄉人情
翻遭俗眼忌晚得沈夫子學問有根柢
矯矯流輩中頗識作者意歡然慰吾心
歸此同好嗜吾子更我聽士也貴

尚志古道自足師不必今人貴茶苦不異畝薰薺不同器
所憂義理愆何恤流俗議進道要勇決取與慎爲計去惡
如去沙沙盡自見底積善如積土土多迺成歸讀書要知
道文章實小技子試反覆思鄙言有深味自非心愛合安
能吐肝肺行行慎取之紆節思
遠大豈但勸鄉間永爲斯民賴

政和丁酉罷攝樂清寓柳市莊居和林惠叔見寄

懷祿非其心事君要以道古來際遇閒每恨見不早觀其
風雲會事業何草草卓哉張子房器博用殊少恐量世主
心用此怡怡好所以收其才遠從赤松老富貴
非利達貧賤非枯槁超超聖賢心吾欣願執掃

題永寧傳舍

浩浩車馬跡往來各有求而我亦何爲行役不得休驚風
吹砂礫草木春不柔荒山相經互渭水日悠悠下馬古驛
亭開軒竹修修颯颯爽氣入得慰征途憂移牀取一息據
城如清秋永願息鞍馬何當具扁舟我生湖海閒築居必
清幽城南五畝宅山高水亦流家園千木奴不貴萬戶侯
旣輸束臯稅一飽亦易謀藐然塵囂外榮貴如浮漚咄咄

狂癡子胡
爲此淹留

劉安上方潭展墓示子姪

舊菴在山頂去此五里餘創謀自吾祖遷就今所居住時
僧不多苟且完室廬至於五十載風雨荒榛蕪先人樂溪
山每到嘗躋蹊深憐棟宇弊締構新是圖鑿巖闢幽徑開
門揖清虛高堂閎且深三山列庭除或禪或教律濟濟踰
衣裾先塋舊所卜乃在西南隅松筠老且茂雲氣時卷舒
政和甲午歲予解壽春符竟恩得真祠展省來郊墟清酌
奠墓隧詣軸焚金朱報效未云記涕泗徒隳如竭來就堂
宇會飲族屬俱夜深燈火明山靜竹柏疎翻思昔日營似
爲今所須先人篤好善雅志在詩書于公有陰德高大其
門閭虞詡名升卿其後果不誣嗟余忝厥修覆敗良可虞
作詩以自警
其無述厥初

歲寒亭

茲亭予所作再到異疇昔江梅老半枯檜柏春逾碧
易名爲歲寒表此蒼翠色森然一徑幽步屨時取適

友人新居

門向平湖靜處開，雨餘山色入簾來。
連雲競秀千巖竹，隔水飄香一徑梅。
觀裏紫芝原不老，柱頭元鶴幾時回。
此峯信是神仙窟，子晉吹笙有舊臺。

荆溪有懷

自從南郭得三椽，怕趁荆溪半夜船。
每望白雲驚歲月，空將清夢遶林泉。
雖因追遠時來此，又見登高意愴然。
極目不知多少恨，一聲孤雁夕陽天。

薛巨源送林良輔

事了却閒時，辭官豈厭微。
笑人持酒別，留俸換琴歸。
亭柳春迎馬，溪雲雨滿衣。
行程休計日，花眼醉芳菲。

陳雲龍偶成

野趣成閒散，青山卽故知。
竹生踰砌筍，花引隔牆枝。
舞蝶翻風亂，閒雲出塢遲。
倚闌無一事，俄有客傳詩。

婁寅亮止齋卽事

居與仙巖鄰未悉仙巖路片棹偶相及山僧頻禮數指點
覓餘跡行行道其故是爲梅雨潭排空成瀑布常生六月
寒輜軒每相顧嗟哉
往來者寧不系尸素

林季仲次韻酬黃季章

長安公子意氣豪笑我惟悴居蓬蒿人生栖託一枝足何
用搏風九萬高我今百事付流水歸臥北窗心獨喜林表
春禽自在啼絕勝蒙養金籠裏誰能胷臆無塵埃木
雁未論才不才子陵事業亦何有風月淒然一釣臺

寄劉知言

年來何止二宜休合把身名付釣舟寒食又衝花下雨晚
塘漸狎棹前鷗推居誰復如公瑾種竹猶憐似子猷來坐
梅陰引春酒微
酸點點著枝頭

盧守攜酒過薛直老草堂次韻

畫戟森森轉水湄
草堂顏色帶恩私
亂離海上多簪紱
槃礴風前卸屬羈
醉帽半欹花近眼
康歌閒發墨翻池
諸公明日朝天去
且爲南陽借杜詩

題薛獻可新居次高仲貽韻

高居占得野塘橫
竹逕桃蹊取次成
宿靄半兼朱戶溼
好山長傍晚窗明
風吹酒面春情渺
月落詩腸夜味清
今日主人歸定否
試聽枝上子規聲

張闡還鄉

入請犯天顏
今朝出漢關
渾如倦飛鳥
日暮傍巢還

王鎬移竹後園

洗紅窅窅烏藍雨
落紫颺颺阜角風
挂起北窗聊問訊
新移來竹定惺忪

方雲翼題寶積寺

暫脫塵囿馬足埃僧窗高臥白雲堆青山影裏春醒解黃
鳥聲邊午夢回坐嬾且推書冊去吟清時喚茗甌來要知
門外無車轍十
日新生一逕苔

陳鵬飛贈邕管察推陳仲輔

幕下誰人識杲之微聞贊畫向蓮池登樓不厭鄉關遠柱
笏只言山色奇直道自能消鬼魅高人何處不軒義他年
坐上話銅狄可
是蓬萊清淺時

鄭伯熊北園送關簡州分得古字

我歌白雲篇送君水雲浦歌罷水雲寒伛立聽鳴鏑江湖
昔在手短蓑釣烟雨軒裳誤羈馬濫趨羣玉府朱墨浪自
妍筆削竟何補高鴻墮秋枕歸夢紛莫數著鞭輪子先寤
歎獨懷古中年況作別心事復誰吐古人分龍符江色映
脩組話舊定何
時新知日旁午

黃巖縣鼓樓

飛蓋鬱崢嶸萬井交錯綜俛仰各有則靜以馭羣動平時
心匠微斤斧袖不用少施見其餘規畫已驚眾姬公昔營
洛道德作梁棟東家有餘材鳳哀
無復夢帝方議明堂行矣與君共

薛季宜龍翔寺

二江涵古寺雙嶼聳平沙翠浪環流淨金城到眼奢
水光搖殿閣塔景動龍蛇不減蓬壺意屯雲未許遮

送鄭景望赴國子丞詩二首

有序不錄

風喜檣烏順知難喚酒杯好溪寒已半京洛暖應回僧舍
方飄雪江籬欲放梅不須愁國步之子棟梁材懷我論交
晚何堪又索居朝陽鳴必鳳清水察無魚百惱
愁成解羣疑鬼載車否臧亡可道贏得腹詩書

得符速走之官

我本樂閒人自得安閒志鄙性習疏散誰識榮華意竭來
復舊廬喜獲平生志稼穡任佃夫家室歸中饋中外若非
我卒歲無他事飽飯讀詩書暮騰時困睡嘲啁燕雀催鴻
鵠心應異三皇竟何物況復今官寺舉餞課妻孥先春翰

典質茲乃不可常爲貧求祿仕版籍一書名野情那得遂
官來促我裝去作塵埃吏無復有消搖真爲口腹累把板
從此行短褐隨弃眞素殮良不堪邑有民人寄衆心險山
川道微非所暨上恐負朝家終念家聲墜吾民政焦嗽爲
此不能寐格物可爲邦舊說今難試泥古誠腐儒惟此知
爲治仁義舍不爲又敢圖與利上官如我容刑章得就易
庶以遂其生將久蘇疲瘁此意向茫然思之或狂悖

雨後憶龍翔寺

好溪東赴海門秋中有禪居湧碧流潮信往來雙別嶼世
緣生滅幾浮漚菱歌面面來漁鼓燈火層層到客舟何事
瓜期外留滯短窗斜雨不堪愁

秋思

秋思生夕涼吹我東閣帷中有蕩子婦清歌寄愁思爲問
愁何爲良人長別離銀釵弔隻影霜雪堅白持君爲黃河
流妻作玉桂枝東西各異道邂逅不可期願爲
君下裳結束隨君衣君衣何當披十年守空閨

韓應陳素齋席上

自得滄洲趣門開接釣磯江光翻夕照嵐氣上秋衣
心苦一官冷吟多萬事違何如明月夜有客扣林扉

潘耒書姜白石昔游詩後

我行半天下未能到蕭湘君詩如圖畫歷歷記所嘗
起我遠遊興其如鬢已霜何以舒此懷轉軫彈清商

平江道中

不載圖書載酒杯姑蘇臺下小徘徊
東風不識人心老擺柳吹花一併來

還自錢塘道中

江上青山落照邊江頭歸客木蘭船
春鷗自共潮回去一點飛花是柳綿

徐德輝夜寓舟中

秋氣清如水推篷夜不眠蘆花新有雁莎葉尙鳴蟬
斷夢疑堪續哀吟最可憐漁童看月上吹笛舵樓前

木待問火後寄詮老

機槍墮九霄列缺亂阡陌西城苦黔廬東墟已堆甍幽棲
僅容膝隱市意自適天公不我相同此編戶厄平生一邱
壑未信天地窄終焉感窮途萬慮集中夕載觀宇宙內存
在等公宅鄙夫六尺軀俯仰歎偏仄炙手事當路快意已
爛額野子今兀然乘除付陳迹此身亦何有而復身外憾
相逢肯分山試面九年壁

郊寺

紅委牆陰花寂寂翠滋亭角草纖纖
風翻書葉常交案雨壓鐘烟不過簾

鄭伯英和清卿雪溪泛舟晚登華蓋亭

滿江風雨蘼清愁坐嘯烟波一葉舟目送飛花千里去身
隨空碧一鷗浮兜羅世界成遊戲欵乃聲中自唱酬試問
剡溪回棹客可
能乘興上南樓

清明泛舟

永嘉縣志

卷三十四

藝文志

六

風雨連朝忽轉晴天還著意作清明簿書共了公家事尊
酒聊酬我輩情花却餘寒紅尚瘦柳融初日黛猶輕一年
春事纔如許又作明朝祓禊行

林曾汴河

一千八百隋家路兩岸青青入帝都
可惜翠華南渡後舊時楊柳一株無

許及之綸子效靖節止酒體賦筠齋余亦和而勉之

綸以筠名齋種筠當掩關愛筠栽竹易見竹知筠難竹以
筠爲本筠居竹之間希筠歲寒操追筠古風還筠中聽琴
瑟筠外瀉潺湲人與筠俱勝筠隨境共閒

德久送沙暎信筆爲謝

海物惟錯羣分命並海饒涎爲物病采拾烹煮如擷蔬豈
念含靈釣佛性就中水母爲最蠢以蝦作眼資汲引蝦入
罔罟自不知水母浮悠亦良窘其閒墨魚工吐墨以墨自
蔽潮水黑潮來舟人如拾塊販者填街賣烏賊沙暎噴沙

巧藏身伸縮自如故納新穴居浮沫兒童識探取索索如
有神釣之並海無所聞吾鄉專美獨擅羣外腕中膏美無
度調之滑甘至芳辛年來都下爲蠶困獨此相忘最云久
轉菴何自得此奇惠我百輩急呼酒人生有欲被舌瞞齒
亦有難具論忻茲脆美一餉許饌悔未已滋念根擬問
轉菴所從得訪尋不惜百金直豈非近悟聖花詩望茲尤
物令人識綠衣在旁忽
驟然增眸取笑却可憐

題江心寺

屹立中川嶼江行結斗城干灘界巖下兩塔湧波擎
市地有沙漲中天惟月明清宵撓禪定端是棹歌聲

清卿求作混碧樓額因賦唐律

三十聲名晚合酬前銜久自是潮州尙須漢吏二千石聊
臥元龍百尺樓混碧繆書波畫去醉紅憶爲海棠留從今
只願搏扶上還
許澄鮮守舍不

媚川圖亭上觀江心寺詩

三山海上失雙峯，插入中川鎮水龍。高出猶垣尊御寢，長
施粉廡過僧筇。夜敲圖繞千燈曙，曉擊聲聞兩岸鐘。莫恨
無緣隨展鉢，時來亭上足從容。

轉菴輓詞

無復從容唱和詩，忍爲惻愴輓歌詞。生前秋月春花了，身
後高山流水知。小阮竹林思步武，仲方蒿里得追隨。腰金
鳴玉終塵土，萬卷千篇付二兒。

周去非懷歔歔

按朱聶號歔歔

白雲近青山，清風動修竹。竹閒何所有，曲澗聲谷谷。山迴
何可窮，萬里來懸瀑。昔有君子廬，清標謝王屋。北山茲正
高，邦君見良燭。吾黨詎敢忘封植，此佳木。

王相南康泊舟欲遊廬山值雪

春風浩蕩江湖客，咫尺廬山風雨隔。
門前老樹最關情，一夜相思頭盡白。

陳謙鄂州南樓

析雨沈絃思杳茫南樓依舊倚斜陽江湖草樹不相識吳
蜀舟車祇自忙萬里筱聲驚客枕一天涼月浸胡牀古今
多少英雄恨認取江南舊武昌

陳德翔和鄰僧韻

七八年來住水心喜鄰蕭寺共僧吟古池暗有泉相接春
地從教荀自侵興到濃時因坐久交於淡處見情真極憐
對立河梁暮海月初生日正沉

漳浦偶成

秋日已過半林無一葉飛曉風須闔戶夜冷旋添衣
陰壑枕榔瘦陽坡華撥肥每傳鄰壤警行客往來稀

王鞏題管聖浩蒲川歸隱

卜築蒲川上翛然遠市廛潮聲書屋外月影釣舟前
地僻紅塵淨沙平白鳥眠此中幽適趣不必問斜川

林賓陽紅葉

五夜霜爲染，輕明映碧流。山林驚有色，天地欲無秋。
野渡風初起，夕陽雨未收。昔聞供墨客，霜屋落鸛鷗。

葉適送林孔英

東堂質疑匙，啟鑰西廂坐。講水赴壑本，朝合選經博士。
萬里那投郡，文學東風吹散石門冰。吳人送去蜀人迎，
雪山樓過之清又清。

送葉任道教授之官靜江

太學奏文夸第一，國子先生裏行立。嶺南梅花太枯澀，
花豈喚人人底急。爐亭雪深叫孤鴻，傳書爲想明光宮。
雲翻雨覆古來有，不如堂堂金石守。

贈徐靈淵

歐虞兼褚薛，事遠跡爲塵。今日觀來翰，如親見古人。
盡歸嚴號令，富有活精神。碑板荒唐久，遙看走四鄰。

林敬之挽詞

雜遝新河市酸寒處士廬甘辭魯穆饋獨著孟軻書
籬壤從兒補禾荒付客鋤永嘉新有志莫遺姓名疎
題仰孝廉事實後

孝子久傳名誠通物表靈當年虎失猛此日竹還清
墓壑無留菽庭荒枕舊廳惟存古題誌寶惜勝如經
悼路鈴舍人德久潘公

詩人冥漠去何許花鳥相寬不作愁
耆舊只今新語少九原喚起韋蘇州

送鮑賓甫

近年詩友東西去贈子驪駒魄不多
古柳渡頭音調別滄浪聞處夜深歌

建會昌橋

十里滄浪絕岸遙幽人行處有誰招
幸無車馬妨來往買斷寒蔬取意挑

周緒書事

北客樂馳驅，髀肉渾不生。輕風入馬蹄，一瞬萬里平。朝發長安都，暮抵受降城。陰山聞鬼哭，征人晝夜行。黃塵雖染衣，紫翠堪奪睛。男兒平生遊壯志，多屢驚荆楚。豈不佳舟楫，非吾情。休誇魚稻鄉，莫戀烟波清。幸能脫毛錐，側聽匣鳴中。

戴溪送王木叔黃州教職

龍飛乙科郎，白面如琢玉。去作幕下士，年少二十六。壯心直如弦，不耐公事曲。寧知太守尊，筆吏警羣目。太守豈不賢，去郡秉鈞軸。銓曹有格法，那肯煩薦贖。依然舊官職，再傍天之麓。大考未作縣，冷官到淮服。同來豪氣舉，酒斟能牛斛。只今長說病，伏飲在胸腹。皇皇一世憂，隱隱兩眉蹙。中年苦節省，未必不爲福。我生更迂闊，立意要達俗。誤使塵網嬰，同君被纒束。兩家各生子，丁壬合天祿。但得佳兒婦，兩翁志願足。岷山有舊約，相從結茅屋。明朝江上館，持君宿。

徐自明華蓋仙山院

萬當不如一上發却休九乃知多言累寧謹三緘口寂中
游雷震悟處獅子吼百物自四時六鑿通九有風松靜度
曲山花相與友心遠境更幽光生室無垢茶鼎蒼蠅鳴香
戶黃金紐澄神天籟息見性藩籬剖對語彼上人一笑開
塵成佛靈運後

潘遜枯山道中

綠遍沿溪樹殊鄉春又闌峯回疑有路水漲欲無灘
靜聽禽聲樂閒同鷗影寒明朝石門洞瀑布共誰看

秋日會陳素齋

與世忘機久相親祇白鷗所居環一水爲客又三秋
籬老黃花瘦江寒紅葉流數聲悲靜夜雁度驛邊樓

沈埠維舟

野樹春深紅照水新秧雨後綠勻田
斷烟隔岸梧桐角人立東風待渡船

白溪舟中

風約殘紅暖未晴
崇朝厭聽打蓬聲
白頭野老磯頭坐
釣得溪魚不識名

戴蒙暮春偶成

家住枏溪欲盡頭
茂林修竹不勝幽
菰蒲漲綠蛙專夜
榆葉吹寒麥半秋
修禊從教非節物
舞雩自有風流明朝
酒醒春猶在更向
長潭棹小舟

薛師石瓜廬

近日有深趣
買得薛能園
疎壤延瓜蔓
深鋤去草根
花前長載酒
月下只開門
最識田家樂
辛勤更不言

宿瞿溪

船泊西溪岸
人家晚更春
霜汀寒有雁
野寺夜無鐘
竹逕通新店
茅齋息病容
農夫不相識
問我欲何從
哭徐致中

亡友如今隔杳冥夢中只見病時形書窗閉久門添潤花
逕荒來草自青一卷詩篇空就緒兩年文會覺凋零幾回
行過松臺下不
忍登堂不扣扃

題南塘薛圃

門對南塘水亂流竹根橋柢自成洲
中間老子隱名姓只聽漁歌今白頭

趙汝鐸水心新居

開扉待嘉客沽酒解閒愁半夜秋霖歇滿堂寒水流
風聲生葉底月色在沙頭憶著鱸魚美松江有舊遊

戴仔吟友人

二首
錄一

著書不爲進歲久漫成編道遇言非贅身幽志自堅
種瓜新學圃栽稻晚知田吾事未多闕衣裾莫浪褻

陳簡軒名清虛堂

閉門蕭灑入窗明一洗浮生夢幻情夜月靜移花下影曉
風輕度竹閒聲天空寥廓人孤坐地聳高寒鶴不驚滿眼

永嘉縣志

卷三十四

藝文 詩內編

十

青山雲散盡恍
疑身世在蓬瀛

鄭鼎夫山房

冉冉雲生石柴扉半掩深餘春歸草意積雪負葵心
老去忽自笑興來時獨斟閑中參物理何處一蟬吟
徐照宿翁靈舒幽居期趙紫芝不至

江城過一宿秋氣入宵濃蛩響移砧石螢光出瓦松
月遲將近曉角盡卽聞鐘人起行庭際思君恨幾重
贈江心寺欽上人

客至啟幽戶筍屨行曲廊潮侵坐禪石雨澗讀經香
古硯傳人遠新篁過塔長城中如火熱此地獨清涼
懷趙紫芝

一別一百日無書直至今幾回成夜夢獨自廢秋吟
小雪衣猶絳荒年米似金知音人亦有誰若爾知心
題薛景石瓜廬

何地有瓜廬平湖四畝餘自鋤畦上草不放手中書
人遠來求字童閒去釣魚山民山上住卻羨水邊居
石門菴

菴是何年作其中住一僧蒼崖從古險白日少人登
衆物清相映吾生隱未能夜來新過虎抓折樹根藤
徐璣述夢寄趙靈秀

江水何滔滔渡江相別離揖子家舍前對子衣披披問子
何所爲旅舍未得歸執手一悲歎驚覺妻與兒起坐不得
省清風在簾帷唯平明出南門將以語所知過子舊家處寒
花出疎籬蕭蕭黃葉多裊裊歸步遲子去不早還何以慰
我思

中川別舍弟

中川人語別南國夜何其江迴風來急山低月落遲
纔從前浦遠角在古城吹五畝耕鋤地何當手共犁
送趙靈秀赴筠州幕予亦將之湖外

郡以竹爲名因知此地清溪來城下綠山到市邊平
人幕非無客能文必有聲江湖共遊宦相望若爲情
泊舟呈靈暉

泊舟回又起繫纜野桐林月在楚天碧春來湘水深
官貧思近闕地遠動愁心所喜同舟者清羸亦好吟

題陳待制湖莊

園無三畝地四面水連天行向樓高處卻如身在船
野花春渚外山色海雲邊一任人來往茲懷亦浩然
送戴文子赴定海主簿

江天經雨後秋意轉新高遠棹送行客涼颺生細濤
高人初祿仕判語亦風騷若到海西岸佛光盈翠袍

題薛景石瓜廬

近舍新爲圃澆鋤及晚涼因看瓜蔓吐識得道心長
隔沼嘉蔬潔侵畦異草香小舟應買得門外是漁鄉

夏日南湖訪隱士

煩暑何能避孤舟訪隱人水鄉菱藕熟晴野稻梁新
力學師前輩談空悟宿身鏡湖三百頃不似此湖濱

趙師秀哀山民

按徐照號山民

億君初病時倉皇造君榻知爲寒所中脛痺連左胛蔣子
丹有神三日能屈伸五日扶杖立十日行遂巡於時數相
見談娛靡會倦啜茶能滿甌改詩忽盈卷君亦疑勿藥春
和可爲樂仙家桃最紅同踐天台約多愁積如山令君心
不閒殘病故未去潞齋腸膈閉岳僧有烈劑倒篋得餘惠
服之汗翻漿事與東流逝啼妻無完裙弱子猶哀癯詩人
例窮苦窮死更憐君君如三秋草不見一日好根茲霜霰
侵萎絕嗟何早哭君日無光思君月照牀猶疑君不死猛
省欲顛狂昨者君未疾相過不論日晴窗春剪蒲寒燼夜
煨栗石堦苔蘚中猶有舊行蹤憂心不能寐無夢得相逢
君詩如買鳥勁筆幹天巧昔爲人所稱今爲人所寶石峯
云有地葬從朋友議須求侍郎銘難見山民字平生翁與
徐南去久無書不知聞信後涕淚當何如雁池
烟水暮宛是西州路虛言楚客招終感向生賦

寄薛景石

元勇集卷三十一
虛窗風颭然獨臥聽殘蟬家務貧多闕詩篇老漸圓
清秋添一月故里別三年最憶君門首黃花市野泉

冷泉夜坐

眾境碧沈沈前峯月正臨樓鐘晴聽響池水夜觀深
清淨非人世虛空見佛心却尋來處宿風起古松林
送徐道暉游湘水

春盡雨霏霏春寒猶在衣人尋香草去鴈背遠峯歸
瀟水添湘閣唐碑入宋稀應知名與姓題寫遍巖扉
盧申之載酒舟中分韻得明字

閒人閒處住載酒荷高情小舍空容客同舟卻向城
弄花忘晝暑憂穀念秋晴歸路雖無月銀河亦自明

呈蔣肖韓薛師石

中夜清寒入綈袍一杯山茗當香醪鳥飛竹葉霜初下人
立梅花月正高無慾自然心似水有營何止事如毛春來
擬約蕭閒伴重上天台看海濤

陳揆卽事

誰家庭院冷蕭蕭
閒却朱門不許敲
惟有東風藏不得
隔牆露出杏花梢

盧祖臯玉堂有感

兩山風雨故留寒
九陌香泥苦未乾
開到海棠春爛漫
擔頭時得數枝看

松江別詩

明月垂虹幾度秋
短篷長是繫人愁
暮烟疎雨分攜地
更上松江百尺樓

廟山道中

粉黃蛺蝶遠疎籬
山崦人家挂酒旗
細雨嫩寒衫袖薄
客中知是菊花時

邵經國上樓參政

聞道先生欲挂冠
先生幾日出長安
去時莫待淋頭雨
歸日須防徹骨寒
已遂平生多少志
莫令末路去留難
二疏

畢竟成何事
留取他年作畫看

潘亥送兄赴饒

草堂荒蕪未春暮
乳燕安巢雁北去
回首蜃水桃花茂
至螺江柳飛絮
江東縵衣真御史
聞者紛紛毛髮起
日長惟抱空甕眠
頭白應憐故人子

寄趙紫芝

長安獨跨驢
一別二年餘
朝士不能薦
承明空有廬
窗虛桐影薄
權冷桂花初
莫怪無書札
心親迹任疎

吳端山居漫興

莫笑山莊小
偏於隱者宜
門當八字路
圍葺五經籬
地暖花開早
天寒酒熟遲
不須雞報曉
已得數聯詩

春日山行

雲峯疊疊路斜斜
隔洞炊烟三兩家
何處有香來不斷
嫩風微雨落松花

戴村白鶴寺

子晉昔游處，平臺片石成。寺名猶記鶴，松響卻疑笙。
巖壁飛雙瀑，金沙照一泓。野人豈仙伴，隨鹿過溪行。

送項季約赴成都鈐幹呈洪倅

辟奏來從舊所知，蜀天萬里去嫌遲。清油幕建元寮貴，錦
領首參小校隨。千古淚痕諸葛事，十分行色杜家詩。益州
別駕如相問，爲說思君草檄時。

周端朝三江口

吳門臺北竹樓隅，三日追陪漫叟居。曉夢驚辭赤壁鶴，夜
樓看打武昌魚。橫洲遙澈分燈影，落月斜河運斗車。回復
三江問漢口，陸離蘭葉響環珮。

草堂

上林不花一水淨，游魚安媚翻寒景。釣蓑風冷天欲霜，惟
有白鷗雙對影。北隣白幘南烏巾，暮雅共集無行人。草堂

老翁喚不醒孤
照野梅消息新

趙汝回呈水心先生

鶴骨癯癯髮未斑
秋風鷗鷺共脩閒
芙蓉夾徑纔通馬
楊柳沿池不礙山
外稿定於何日上
中興只在十年閒
穀城片石無人識
鐵馬堂堂出漢關

宿羅溪山

鷺嶺東遊霽景微
碧桃花外一鶯飛
樵夫不斫垂潭樹
知有僧人掛浴衣

葉采書事

雙雙瓦雀行書案
點點楊花入硯池
閒坐小窗讀周易
不知春去已多時

趙崇滋趙容州新居

舊日水心路新添
趙倚樓詩盟不寂寞
此地合風流
隔浦荷花雨當門
杜若秋有時清興到
夜半喚孤舟

求酒趙評事

半老情懷睡不能
小簷霜月當寒燈
無人來問相如渴
敲碎梅花一夜冰

陳埴南雁山

千峯歷罷寄山窗
酒力詩狂總未降
月白洞門花落盡
天空華表鶴飛雙
崖邊瀑雪寒侵夢
澗底笙簫冷韻腔
且喜懶殘煨芋熟
不妨久話共秋缸

趙崇齋過楊子橋

一抹輕烟隔小橋
新篁褪箬籜兩三梢
惜春不覺歸來晚
花壓重門帶月敲

薛師董秋風

秋風有落枝
天籟動墳簾
鼓角山河壯
襟懷歲月遲
阮生狂一嘯
漢武老多悲
雖有秦歌激
終堪理釣絲
酬外湖樓詩

小雨潤蔬茨涼風展梧影雲連沙際白天開數峯浮瀨樓
百尺高坐覺秋日永寬鋤十畝園餘事一笑領荷枯水却
清桂晚霜未冷誰能悲寒蟄聊忻小蛙龜飽客
新豆蒞鴛鴦我雙舴舨放浪誠有道居然惜俄頃

徐獻可南塘

南塘新雨過風暖橘洲香水長侵官路橋低礙野航
竹棚人賣酒花笠婦移秧近日頻來往春歸有底忙

書齋

十日書齋九日扁春晴何處不開行
瓶花落盡無人管留得殘枝葉自生

無名氏

丁丑

題景星壁

陌上春風破酒顏馬頭珠絡響珊珊
歸來院落已深夜滿地月明花影寒

蔣廷玉秋意

秋意如詩淡又如湘水清無家人易感有筆畫難成
月冷砧千杵江空雁一聲夢回蕉葉上殘雨幾番鳴

淨刹

碑上文難讀開山失所傳巖松秋落子石井夜添泉
地曠常多月厨寒不起烟昔年曾有虎來到寺門前
盧方春送陸侍御歸越

峭峭風雨餘出畫意何如鏡裏無慚色囊中有諫書
寒崖立松柏清廟擲瑤瑛海內看霜月光明只似初
水雲園池

貪山上水樓一望一層秋幽抱發朗咏驚飛雙白鷗
斯文今寂寞諸老舊風流漁者亦樂此扣舷清夜遊
寄趙東閣

樓閣傳鈴夜已深下方方沸管絃音霜飛初氣侵清坐月
耿斜暉促苦吟著草只知浮世事燈花難說隱人心依然
流水高山意我欲從之學鼓琴

薛嵎寄朱希仁兄弟

咫尺不相見閉門惟苦吟聽殘寒夜雨灰盡壯年心
身外一貧在燈前百慮深所欣交友義白首到如今
省試舟中

闕下春光近囊金又一空霜風吹敗絮星斗隔疎蓬
世道誰能挽妻孥見未同青燈對黃冊誤盡幾英雄

林魯長門曲

因宿秋山懶畫眉入宮歲早寵恩遲
詩成莫寫溝中葉流到人間是幾時

韓兼山夜歸

西風淅淅吹荷衣家在蘆花深夜歸
明月滿江人不見白鷗雙立釣魚磯

姚所韶漁歌

自得元真趣悠然與世忘一聲來欸乃孤棹在滄溟
雲斷暮空碧江清秋思長欲將湘笛和無調入宮商

邱靜山

名闕客鄞江

山寒無美色風物動淒涼天地忽窮歲兄弟皆異鄉
酒醒衣絮薄月落夜更長聞有家書到敲門喚隔房
鄭吾民諸葛廬

瑯琊一室雲獨許老龍臥英氣宇宙春君臣重三顧
歲久化爲墟白日聚孤兔惟有忠臣心風雨不可破

吳肖巖

名闕茅屋

茅屋三間小春風長草芽故園經積雨老樹不多花
黃髮長垂釣古書猶滿車近來人事別亦懶問桑麻

朱可菊

名闕春日

門掩東風老無人載酒過半窗春夢短深竹雨聲多
朽樹濕生菌殘鶯已化蛾因思舊遊地臺榭廢笙歌

潘希白送蔣朴之維揚

隋家天子愛揚州四十離宮取次遊荆棘久迷秦隴路柳
絲空拂汴河流君才清似庾開府世事難於孫仲謀莫爲
青衫怯騎馬却將風景付閒愁

入南溪

沙頭落月照蓬低杜宇誰家樹底啼
舟子不知人未起載將殘夢上清溪

徐覲與客登山

與客登山去山陰路未乾就暄分石坐隨處帶書看
宿雨添溪闊春風入袖寒却因樵客引尋得一叢蘭

鮑埜初夏閒居

杜門初入夏貧不厭身閒白日靜於水綠陰濃似山
野蔬留客飯小艇送僧還却憶西菴後聲名石壁閒

仰止亭

昔年曾此戀青山幾度秋風入夢寒
想得玉岑迴合處夕陽依舊滿朱闌

陳宜中如占城經吳川極浦亭

顛風吹雨過吳川極浦亭前望遠天有路可通環嶺外無
山堪並首陽巔溪雲起處潮初長夜月高時人未眠異日

北歸須記取平
蕪盡處一峰圓

陳虞之山水小景

千年老樹立蒼石三峯兩峯天出雲
青溪道士坐船上自按玉簫人不聞

送別

柳濕征衫晚出關荒城古雪劍花寒
西風漠漠龍沙路馬上青山帶醉看

宋慶之寓武昌報恩寺

孟宗祠下竹依然借得空房竹樹邊
貧寺少逢僧過夏遠鄉多是客經年
倩人汲水時煎茗就佛分燈夜照眠
家信不來心欲斷明朝又買漢陽船

薛美薛瓜廬吾宗人也吾不得而見之得見其詩斯可矣
太息而題於卷杪

永嘉縣志

卷三十四

五

結廬兄弟近長安弊却儒冠竟不彈自茹芝來輕漢召肯將瓜去博唐官貧多樂事清無盡手寫新詩墨未乾史筆須許隱君傳姓名應作古人看

詠柳

一撮嬌黃染不成藏鴉未穩早藏鶯行人自謂傷離別枉折無情贈有情

高彥竹寒夜

轆轤夢斷金梧井夜月沈沈風露冷起向庭中獨自行伴人惟有梅花影

王開平石門洞

層崖立水湄絕壁萬絲垂長是烟雲護不分晴雨時嵐多琳宇濕苔滑石橋危得句停舟寫春衫潤不知劉植過彭澤

井邑已非舊柴桑里尙存春風三畝宅落日數家村隔樹聞雞犬編氓半子孫頽然孤隴上寒菊繞松根

鳳凰臺

昔年禪誦地荒草夕陽臺儀鳳有誰識遊人獨上來
古柯陰覆井叢竹笋穿苔千古幾興廢北風吹雁回

周自中贈西山磊泉菴僧

門掩古崖碧霜欺苔徑斑去城無一里此地若深山
留客吟松下驅泉過竹閒羨師無外事相伴白雲閒

山居

又是閒中一日過明朝活計看如何
拾薪童子歸來晚報說南山野菜多

林一龍次韻飲冰登萬象亭之什

按飲冰宋慶之號

黯淡是州城川原一望平天高衆峯逼人立片雲生
拂石同僧坐移筇避蟻行崑阿有泉眼不改舊時清

白沙至芳林嶺

海風吹島岸蕩路獨行初山險遊程緩天寒雨點疎
莽田流水外高樹夕陽餘忽見題詩壁人言賈氏居

陳均遊鶴林寺

錄一

竹遶高僧逢話處
花留仙子舊開枝
道心虛淡元無著
付與東風爛漫吹

蔡槃瓜州

烟際繫孤舟
蘆花兩岸秋
江空雙雁落
天迴一星流
急鼓西津渡
殘雲北固樓
商人茅店下
沽酒話揚州

自敘

江湖閒步幾經年
窮似襄陽孟浩然
折簡爲求僧舍茗
典衣因欠酒家錢
真情盡向詩中見
歸夢常於枕上圓
世路風波深可畏
結茅何日遂歸田

寄雪蓬姚監丞

憶昔青燈夜對牀
斷猿聲裏早梅香
一從去棹衝寒雪
幾度凭闌到夕陽
秋思漸於蟬外覺
別愁偏向雁邊長
梧桐解得離人意
不遣西風吹葉黃

薛肩輿過朱氏居

地僻少車馬南山對草廬雨來雲滿案瓶漏水侵書
老樹無全葉清池不養魚吟邊猶學圃日涉趣何如
元

徐似孫秋夜獨步

門巷清如水支筇夜獨遊馬閒官路月鐘滿禁城秋
白髮空無恙黃花別有愁可人從此去不上庾公樓

許上之和戴奎韻二首

錄一

溪上扁舟載鶴過紅塵回首漫如何晚年邱壑襟期好此
日江湖感慨多狂客空遺鸚鵡賦家人休唱戾戾歌等閒
一笑成疎放倒
著秋衣似敗荷

陳天祐春夜雨後懷王宰

一窗風雨後燈影弄微明未得留春句其如此夜情
宿花無蝶夢吠草有蛙聲心上無端事蕭蕭白髮生

汪鼎新遣興

老去何心戀舊編一回開卷一茫然畫懸素壁風敲竹琴
挂虛堂雨慢絃刻骨魯公猶乞米苦吟陶令卻無錢閒來
靜掃松根石坐看輕雲出澗邊

宋眉年山步

未必清秋趣能如幽意長孤雲出野水寒鳥戀殘陽
巖谷有空響野花無定香山翁忘世事不改舊冠裳

徐淮登松臺清秋有感

欲澆磊砢惟憑酒竹葉滿樽翻綠波欹帽正當風力緊吹
簫無奈月明何高林紅葉得霜醉故國青山入夢多客子
長懷有誰識憑高一笑付清歌

張天英武陵春曉曲書於玉山佳處

武陵春曉花冥冥漁歌蘭橈搖殘星溪涵山氣綠如酒幽
禽啼破松烟青天上時聞鳳凰曲金門飛夢人初醒長嘯

銀臺月將落空翠著衣香霧薄忽見安期蓬海東劒佩從
風降元鶴陽烏銜火懸扶桑袖卷紅雲朝帝旁手攬龍車
觀天光下視蟻國空千霜

曹睿飲顧仲瑛芝雲堂得酒字

元冬天氣佳野水碧如酒扁舟發吳門夜泊浣溪口緬懷
玉山人閒者闊何久登堂問寒暄況復得良友佳人發清
唱春色動江柳熒熒燈燭光飲劇意彌厚人生苦別離勝
集固不偶出門夜何其仰見參與斗明朝隔烟雨相望一
首回

孫華鳳山懷古

太息南冠久陸沈百年風節見於今王嘉不就公孫詔朱
泚盜移秀實心遼海有靈歸夜月荒原無樹著秋吟不知
江漢新降鬼曾憶天朝雨露深

周君賚避亂歸自北山

臨壑蒼松鬚鬢強舌存齒敝復何傷青門無恙存瓜圃錦
里依然舊草堂魚返故淵原自樂燕尋華屋爲誰忙天涯
細草皆春色愁絕潘郎鬢上霜

陳元暉山行

短策登臨處白雲三兩家溪山增秀麗談笑咀英華
興盡苦啼鴉春歸怨落花主人有珍味筍蕨正抽芽

沙可學詠懷二首 錄一

獨上高城望遠郊雁飛黃葉下蕭蕭天旋西極餘殘照江
湧狂波作暮潮塵世百年雙鬢改鄉關萬里一身遙何由
從獵灤河曲霜冷弓強鐵馬驕

薛漢和袁德平

世路不可涉風霜苦見侵園廬長入夢歲月易驚心
木落秋容瘦雲昏雨意深登樓試長望烟水晚沈沈
和伯雍夜坐

月落夜方半江空歲又闌浮生知易老久客欲歸難
漏靜忽聞笛樓高誰倚欄呼燈更小酌起舞戲盤跚

鄭洪題黃子久畫

二十年前識大癡樓鞍桐帽薜蘿衣星霜老髮三千丈梁
棟遺材四十圍圖畫渾如詩句好丹砂終與道心違簪箕
泉上青松樹猶覆當年白版扉

吳山白堦寺

江山襟帶尚依然王氣銷沈已百年八葉龍孫東渡海六
宮虎士北歸燕銅駝荆棘荒山裏石馬莓苔落照邊玉柳
游魂飛劫火五陵無樹不啼鵲

謝子還謝公樓

南山不與北山連中有雙峰媚一川
川水於今半成陸謝公樓閣尚依然

謝儁伯西湖偶成

思遠樓西平與東會昌湖上藕花風
水亭隔岸湘簾捲人倚闌干憶謝公

陳一齋

闕名谿亭次汪桐陽

空亭明遠嶂老樹黯餘曛野興臨流坐秋聲入夜聞
漁歸孤棹月鶴睡一松雲記得前溪路人家兩岸分

宋可梅煎茶

汲雲煮雀舌仙味滌煩襟花縣春眠重山窗酒病深
水香魚著眼烟起鶴移林陸羽曾題品清風直到今

陳麟題歸去來圖

飛泉千尺銀河懸孤松石上蒼龍眠四山無數白雲出
五株衰柳當門前葛巾丈人步其下悠然別有山中天

翁斗村

闕名江上秋感

寂寥搔短髮幽思滿滄洲一雨異鄉夢千山獨夜秋
近書仍未達薄酒不消愁雙杵誰家急西風水外樓

吳澗所

闕名趙宰別業

幾樹柳陰合空階一半遮破琴長在壁老鶴不歸家
客至時供茗官閒更管花有時成獨步門外聽蜂衙
瞿澥搗衣曲

寒蛩何處棲棲傍碁石月停碁聞蛩鳴碁動蛩復歇似鳴
辛苦心欲替征人說去年舊衣寄誰去今年新衣織到曙
蛩鳴復在支機處

李壁太行山

跨連燕岱壓中州秀色浮空晚未收
如此山河落人手西風殘照懶回頭

謝無競效香奩體

胭脂濕透汚羅衣春盡蕭郎又不歸
香冷篆盤簷影轉一簾紅雨燕雙飛

劉宗功桐江旅泊

黃葉西風急離愁載一舟殘蟬荒驛暮明月異鄉秋
禾黍生新恨江山記昔遊故人垂釣處流水自悠悠

明

林温醉學士歌

宋為學士
濂賦

六龍高飛海宇一武功既定崇儒術九天宮闕五雲深雉
扇鸞旂乘輿出黃閣風高秋日涼西奎東壁昭文章聖明
天子萬幾暇詔許儒士承清光內宮傳宣走絡繹烏帽聯
駟赴前席大官賜饌薦珍饈光祿行觴洗瓊液玉堂學士
金華殿醉酒拜舞君王前天顏喜動笑模寫揮灑宸翰如
雲烟臣濂再拜喜欲顛臣有丹心赤於面臣心忠赤臣獨
知臣面赭紅人共見前綯後軼重儒林臣濂光
寵冠古今願持歸家貽孫子百世相傳同此心

癸丑中秋奉東宮旨賦秋月歌

玉階夜涼宮漏永風動梧桐委金井海門推上明月來影
浸冰壺秋萬頃銀漢迢迢星宿稀萬象不敢爭光輝闕河
千里共今夕毋使霜露沾人衣小臣年年江海客獨倚山
窗看月色今年來對禁城秋鳳閣龍樓天咫尺玉門賓客
一何多承恩白憐雙鬢皓愧無
長才比希逸一笑其如秋月何

送黃士連之官四川

見說蜀中天下奇，一官萬里去何之。
雲連古棧驅車遠，江繞盤渦入棹遲。
落日秋風神禹廟，黃鸝碧草武侯祠。
尋幽好載郵筒酒，縣令相過是故知。

林常風雨過鄱陽湖有感

三月雨多風滿天，湖中水高難繫船。
大魚跳浪白如雪，好山隔岸清於烟。
去官莫過彭澤縣，讀書擬上匡廬巔。
人生百年苦行樂，帝鄉遙遙心自憐。

陳德甫溪山春曉圖

郭外長溪接遠江，磯頭新水白鷗雙。
萬山雲氣翻春雪，一枕松聲響夜龍。
賓客不徵綺里季，子孫終老鹿門龐。
何時我亦來同隱，多種桃花映酒缸。

余堯臣秀野軒

天
翼
巢
示
三
一
濕翠浮草芽空青散木杪輕舟理橫塘歸人渡清曉棲鴉
返故巢潛鱗擢新藻倒影斜暉迴鷗蕩晴昊衡門夜不
扃燕坐事幽討落葉秋自飄殘花春懶掃我欲
往從之稅駕苦未早揮手謝孤雲去去沒蒼皓

梅珪用韻呈戴東野二首 錄一

曉看江燕掠簷過落盡春花可奈何南國烽烟春尙急西
山爽氣晚猶多笑看詞客閒居賦醉和鄰翁擊壤歌更喜
方塘初漲綠呼
童趁雨種新荷

陳燧送邵鍊師歸江陰

青門隱者人不識騎鶴來尋華蓋君姪女夜栖丹鼎火王
妃春繡紫衣雲愁聞南國旌旗暗愛聽中天歌吹分此去
元都舊時路碧
桃紅雨正續紛

曹介次韻寄胡叔僅

少壯相逢今老醜別來世事極堪嗟每因秋月思叢桂幾
向東風嘆落花塵榻豈無人可下濁醪偏爲客來除多君

蕙帳能高臥不
管天書下白麻

張著秋興

故園東望海西頭幽事長懷九月秋竹几山明渾見畫槽
牀酒熟不知愁霜寒秔稻肥黃蟹水淨芙蓉映白鷗隨分
耕漁聊自適無端垂老向延州

送嘉定王尹移守松江

屠白羊翁紅酒共禱神祠留太守太守今年遷大州除書
已下誰能留兩州相去無百里失君應愁得君喜安得如
君數十人一時盡福東南民

劉南金客沙川

每厭紅塵歲月侵偶因佳趣卽登臨高低山色宜朝暮來
往潮聲自古今夜雨頻催歸客夢梅花偏動故園心蹇驢
落日沙川路瑟瑟西風和短吟

王份寄兄

江上冥冥雨似烟
鵲鵲飛急渚沙圓
十年書劍貂裘老
萬里兵戈羽檄傳
阮籍窮途空自嘆
馮驩貧甚復誰憐
天南天北雙蓬鬢
漂泊還同不繫船

周詢題張師夔所作木石圖爲潘行人賦

珊瑚出海枝撐空
老蛟抉石雲玲瓏
鯨鮪古色生莽蒼
雙眸欲挂寒梢東
張公昔年宦南服
揮毫尺素如尺玉
何從得此秋一幅
蕭颯陰風動林屋
請看屈鐵苔蘚株
輪囷豈比莊生槩
萬牛回首不易致
明堂梁棟今當需

潘畿題六檜堂卷

君家六檜羅堂下
假借諧聲兩得之
北顧楸梧留遠恨
東遷禾黍有餘悲
斧斤直欲戕根本
梁棟將焉用爾爲
薇蕨甘棠召南什
憑誰說與太師知

王統羅山高一首次廬山高韻

羅山高哉何延袤兮磅礴阻海襟
兩金名山左旋兮梵宮掩映鐘鼓聲
下瑤溪厚碧九洪麗穹崖瀑布瀉銀漢奔雷落澗發靈蹤
淵源到底更澄澈晝夜不息聲淙淙嵐氣襲人翳林麓浮
雲帶雨來巖缸喬松修竹夾徑有真趣虎狼遁跡聲無曉
盧陵詞翰真跡留古壁晴烟翠靄擁護猶仙幢千載之下
獲瞻兮摩挲老眼再三過却憐彼美才無雙令人對此快
清隱隴上躬稼如老麗羽人詩友遠來敘情話呼茶淪鼎
酒釀缸車塵馬足絕馳驟幽懷寄傲乎山窗歌春風兮問
明月漱清流兮枕石玉陶生幸際唐虞世守拙終居父母
邦追思移文會向山靈假若非稚珪拔俗之雄才周顒之
志焉能降今又載轅謝逋客嗟我欲說安得巨筆如長杠

游仙巖和韻詩

山門深遂倚雲斜紺宇縵紛絢彩霞香嶂紫青連野樹方
池湛碧映巖花泥沾貝葉梁閒燕聲雜昏鐘柳外鴉有約
他年來結社共
談元趣謝紛華
黃淮首夏述懷

抱瘵謝朝謁歸休臥田園未畢一身累暫息兩耳喧
盤櫛肅衿佩舉帷坐高軒清和雨初霽綠陰日已繁
文鱗泳芳池好鳥鳴樹閒俯仰悟至理庶足開心顏
此樂恆難得欲寫已忘言

秋暮書懷

極目關山幾夕陽況逢秋暮轉淒涼
愁思竹葉浮鸛鷖寒覓蘆花當鷓鴣
報主志存龜左顧思親心逐雁南翔
折筵擬卜餘生事欲訴靈氛已斷腸

劉現江心送別

我愛中川勝尋常一葦通潮聲喧萬馬塔影浸雙龍
江闊涵秋月雲深隱暮鐘送君成遠別鄉思逐飛鴻

潘文奎贈潘檢討歸任溫郡博

賜歸應喜遂初心兩鬢蕭蕭出翰林
故里舊交無綠髮講闡列侍有青衿
風生玉麈朝談易月滿春壇夜鼓琴
暮景亦圓歸老計欲分半榻伴清吟

林詢夏夜

微風動林杪涼月透羅幃幽人不能寐攬衣步前墀墀前列佳木綠葉含素輝上有羣鳥集儔匹相因依莎雞獨惻鳴疎螢度林扉物情各有適巨細無或遺嗟予處熒獨惻惻恒苦餓連年厭征役陡覺筋骨疲干戈尙滿眼風塵暗旌旗俯仰宇宙閒歎息將安歸

梅頤四時詞錄二

松下桃笙酒半醒石根流水碧冷片雲將雨窗前過分得新涼入研屏黃葉蕭蕭獨掩關屏風小幅畫江山酒醒夢入湘雲去不管秋聲在樹閒

陳純初題聽松樓

雙樹巖前舞翠蚪瀑花飛雪下龍湫曉風吹瘦青山骨中有聽松人倚樓

劉清綠淨軒

清幽何異輞川墅古怪不類平泉莊屋頭葉化作龍鬬竹
裏水流如酒香玉光出雲草木潤山色照我鬚眉蒼彈琴
賦詩未爲樂日
日須醉三千觴

黃采寄廷瑞員外

罷直下鸞坡離愁奈若何燕雲天際盡吳樹雨中多
潮送江聲去雁將秋信過不須論往事強健且高歌

陳亢宗賜午門觀燈應制二首

錄一

白玉仙京上帝家六龍遙駕五雲車巨鼇此夕移三島火
樹迎春吐萬花水咽宮壺留夜色懽騰黎庶樂年華承恩
盡醉歸來晚一
派鈞天隔彩霞

方以正姚貳守宅會飲對菊聯句席上賦

醉餘岸幘一掀髯萬里雲烟景物兼白雁數聲來遠浦碧
嵐千丈落前簷人生幾見黃花吐老去空勞白髮添欲罷
還傾賓主意青
天回首月纖纖

戴時雨次韻答林鎮東

別君歸去情偏惡，強自高歌託醉狂。
問訊行舟來合水，起瞻初日候東方。
阮生豈爲窮途哭，蔣詡應憐晚徑荒。
有約重尋松下路，短簫吹月據胡牀。

陳聳暮春感懷

載酒歡遊事已非，江頭春色漸霏微。
留人檣燕呢喃語，度水楊花掠亂飛。
久客每憐時節換，故園無奈信音稀。
輕舟未解沙頭纜，愁倚孤篷對夕暉。

林補送陳翰林致仕

白髮老儒臣，承恩出紫宸。
文章鐫國史，詩律紹唐人。
湖海星霜久，鄉關夢寐頻。
歸來應在卽，尊酒日相親。

葉錫元夕賜宴應制

銀燭通宵照五城，九重寒漏寂無聲。
樂從霄漢空中奏，人在蓬萊宮裏行。
火樹光騰春色好，金蓮花映月華明。
小臣

何幸陪清宴稽
首歌詩頌太平

陳德慶暮春自遣

春雨厭厭十日泥隔林長日叫山雞溪頭新水綠初滿屋
外垂楊青未齊消日酒杯空有限關情詩句却無題小窗
睡醒無餘事閒
理絲桐到日西

謝廷循寄志賢昭賢諸姪

白髮蕭蕭歸夢遲多情遠慰別來思春風挂額披吟處落
日登樓眺望時一代衣冠承世澤百年詩禮見宗支籍咸
共喜渾無恙他
日相從愜素期

劉觀試內府詩

天官催入試翰苑午門西法駕移仙仗儒臣命舊題
辭章疑潦草禁密幸攀躋安得如劉向來分太乙藜
陳性宗宋與寄友

落日猶未落青山還自青
鳥飛雲外見泉過竹邊聽
童子求新汲先生守舊局
相看不相見應註太元經
秋夜風雨次虞原璩韻

獨臥苦不寐燈殘知夜深
青氈猶是客白髮最關心
繞屋烏三匝隔江龍一吟
誰家催寄遠孤淚滴清砧

周旋霜林晚節圖

朔風何蕭蕭嚴霜亦浩浩
維此歲載陰羣芳盡枯槁
懿彼松柏心堅貞長自保
春風桃李花春雨薜蘿草
紛紛競顏色第逞一時好

劉翼春日同文育會怡珙宅用子直韻

危蓋如雲集樽罍北海寬
月移花影轉風定燭光寒
王粲詩方就陳思興未闌
夜深清不寐踏月共盤桓

陳鐸錢塘寓館用韻寄趙荊州

海門一望接滄溟老我重遊鬢
欲星人物已非前日態
湖山還似舊時青當壚越女
空招飲隔浦吳歌不忍聽
萬里

程途多寓館不知誰是舊忘形

趙聞棠溪遇宗弟惟朝

寄倦棠陰渚相過有惠連
臨風解行李避雨就航船
蓋共晚涼洗醉同秋被眠
相看俱白首重會是何年

周凱九山寺

一入山來塵夢醒松風瑟瑟水泠泠
遍尋舊迹摩苔碣謾寫新詩寄竹亭
翠羽鳥銜香積飯白頭僧誦石函經
陰雲忽送傾盆雨洗出峯巒分外青

王瑞羅浮山齋作

江城四月梅雨餘杜鵑啼血聲相悲
微風南來弄晴色野花落盡殘胭脂
柔柘陰陰護書舍閒關有鳥鳴黃鸝農歌
遠近出村塢商聲互答良其時我家自昔
居村落賡歌對酒歡酬酢田家此樂無人
知春耕夏耘秋有穫功名富貴是等閒
太平喜遂豐年樂

王由寄商素菴先生

把釣桐江畔烟波盡日看
策名膺上第直諫忤中官
泉石娛身老松筠耐歲寒
今皇新御極耆舊慶彈冠

謝遲送人還霞城

江路花飛風寂歷
瑞草離離暮烟碧
仙人招爾歸不歸
誰跨蒼龍橫玉笛
碧桃始花春未深
環佩珊珊雲冪冪
手摩芙蓉上玉京
日照麒麟生五色

葉義周月夜泛舟

月色晴鋪萬里秋
笑呼小艇泛中流
一天清氣生吟榻
萬頃寒光逼醉眸
已有風情如鑑水
却疑身世在瀛州
隔城聽得笙歌奏
知是誰家倚畫樓

趙旺夜飲鑑湖書屋

岑樓高百尺淨倚鏡天開
分榻連雲臥鉤簾待月來
欲追王粲賦莫惜杜陵杯
薄暮凭闌望天邊一雁回

永嘉縣志

卷三十四

藝文志下

三

葉聰秋懷

北斗城高近海濤每懷風景動微吟青山有恨傷旣越流水無情自古今幾度吹笳空夜月誰家擣練急寒砧天涯此日重回首忽見江花思不禁

王瓚遊仙巖寺

清興渺何許登山極上層境幽無俗駕寺古有高僧翠靄屯林木流泉澣石棱探奇歸去晚枯幹熱爲燈

茅竹嶺西莊

乘閒聊赴野雲期水荇牽風蕩槳遲求友黃鸝聲緩囀伺魚白鷺步輕移江清似此誰同渡山好吾今更有詩茅竹嶺西千樹竹繁陰如蓋坐多時

黃鐘宿澄鮮閣次壁閒韻

對酒不辭醉因從高閣眠銷魂風共雨極目水連天燈影沈帷外鐘聲出枕邊獨憐今夕永孤鶴唳芝田

李階松月軒

年來柴市罕經過掃得松根落葉多
紗帽籠頭對茶鼎月明不問夜如何

王澈同竹巖弟過陶成洞

試覽羅東勝游筇喜共支陶成存古洞題詠有新詩
海日光先射山雲影乍移何當謝塵鞅長向此樓遲

葉式閣試

聖主延羣策遐方觀小臣仰瞻黃閣曉鼓舞紫垣春欲售
匡時志先呈許國身遍言煩吐握朽質藉陶甄時雨有餘
化至仁無棄人撫心
恒自警何以獻楓宸

張孚敬書院成

臥龍潭下書院成白鹿洞主慚齊名松菊已變荒蕪徑溪
壑更添吾伊聲蒼生有望山中相白首願觀天下平青衿
登進樂相與日
聽滄浪歌水清

止劉提學遊雁山

海內衣冠集雁山
草茅無路得追攀
山中定掃豺狼道
天下誰當虎豹關
玉輦何從瞻樂地
金尊未許破愁顏
江湖廊廟心相似
莫道樵漁盡日閒

金陵秋興八首

一夜秋聲到碧梧
鍾山削立草堂孤
九霄玉殿開神祖
千古金陵壯舊都
但恐凡才污畫省
何求侍女執香爐
尊鱸數動扁舟興
白鳥滄洲見後湖
賢關曾扣歷清曹
聖世才難惜未遭
耿耿於今懷父母
哀哀何以報劬勞
天邊勅捧黃龍軸
地下恩均白鷺袍
遐盼孤雲邱隴隔
湛空零露滴蓬蒿
白門朝出暮還歸
又見長岡木葉飛
羸馬卻知由熟路
敝裘猶足備寒衣
近來昆弟傳書少
昔在交游見面稀
口食太倉升斗粟
稻粱正想故山肥
雞鳴牛首鬱崔嵬
武帝戎衣近一來
曾報美人同玉輦
幾回朝士望金臺
龍江千里牙檣動
虎旅三邊錦隊開
回首人歸何處去
秋原白骨不勝哀
石頭城壓大江邊
誰遏降王計萬全
千騎倒戈秋渚裏
九江拔首落帆前
鼎湖龍去渾無日
滄

水駙生已有年定命於今真主在華封何幸祝堯天去
歲朝朝見聖顏軒屏初對立清班本從周孔尊彝典忝逐
歐韓冒大奸日月應臨肝膽赤雪霜旋改鬢毛斑孝陵宮
殿秋林近寂寞於今對晚山曾辭北闕赴南官相遇真
爲自古難一代終期同禮樂兩京猶得從衣冠扁舟未遂
歸張翰空谷休孤起謝安是處亂蛩衰草裏月明無語倚
闌干北望傷神暮景催故人書至獨憐才秋光又逐黃
花滿霜信先隨白雁來宋玉悲秋還作賦杜陵抱病欲登
臺近聞邊塞猶多事百二重關不可開

恭和御製翊學詩

帝王治有道修身宜所先於皇聖天縱受命真自天陋彼
霸功小愛此王道平經筵講大學治法三代前乾乾自不
息安安而能遷升堂入其室登山陟其巔擴之保四海泉
達火始然卓哉真德秀義能行斯篇微臣忝進講膺服同
拳拳

王激稼軒

太平無彙勸東封且爲明時作老農歲事計量春信後
蓑衣料理雨聲中百年目足江村味一飽簞醪未和功
草澤行吟君莫問道
人不是鹿皮翁

喜歸雲峰山房

江上青山入望新客衣初拂帝京塵庭闈歲晚思歸養
雨露恩深許乞身雲谷誅茆營別業鶴山摘茗煮先春
莫言林下無居士束絹新裁折角巾

雄溪舟中

幽居十日閉茅堂偶著綸巾問野芳細雨斜風吹客鬢
白鷗畫槳共湖光花枝作旆村醪熟土鼓迎神社飯香
小晚詩成雲水暝高歌擊楫和鳴榔

天津待家兄不至

一別成春夢帆檣何處津斷鴻冥望眼新月照孤身
客悶難忘酒燈花亦詎人夜爐灰漸冷心折衛河濱

送周思訓致仕歸郴州

魚鳥升沈只自憐
文陽人去早春前
長亭日暮風吹鬢
野水波寒雪滿船
江上草堂空四壁
天涯燈火又三年
子規聲裏瀟湘雨
不到先生負郭田

移居白鶴書院叙懷二首 錄一

屋上青松屋下泉
紅塵暫了買山緣
一燈喜共妻孥影
十載獨憐風雨天
春半寒庖除舊穀
村南社雨足新田
盤飧不問魚鰕市
法席新參玉版禪

王湖張秉用孝廉計偕北上過訪言別詩以送之

江城著烟鳥欲棲
茅茨雨邊雞亂啼
滿山落葉溪水赤
一客入戶秋日低
書聲漸覺林薄寂
詩思遠與雲霞迷
賢才登進我所欲
江上幾回聽馬蹄

燕京留別張相公

五六年來同旅食八千里外話歸程孤舟細雨短長夢落
日青山今古情野老有心朝北闕塞鴻何事復南征故園
此去逢秋穫簫鼓雞豚醉太平

張純泛湖

遠峯列翠媚雲鬟雨後幽花滿目斑隔岸朱樓烟樹裏誰
家玉笛夕陽閒天光蕩漾酣華燕風景依稀似故山爲憶
西湖秋萬頃悠悠畫舫未知還

項喬京中送鄉人

拂衣天北不衝寒漸喜江心近馬鞍
我亦欲歸歸未得東風沈醉爲君拚

項璫西湖

曉日湖光漾盤旋石徑紆沙邊維錦纜松下度籃輿
粉墮蓮房瘦烟銷荷帶疎采菱誰氏子歸路唱吳歎

王健郊外曉行東茅鹿門

晴烟積翠隱林臯
旭日流暉動客袍
睡犬未驚民舍起
餓鳥初集女墻高
榴分野色渾疑火
松人江聲併是濤
此景從來堪寄興
莫將珠玉惜揮毫

懺閣阻雨

危崖側轉路千重
懺閣登臨坐午鐘
可是潭龍來聽法
半山香雨忽濛濛

題湖南處士卷

湖南結屋水雲閒
十里平湖抱岸還
日落沙明開玉鏡
芙蓉倒浸郭公山

王德遊寶巖寺

山溪行幾曲小憩是雲林
望入青巒迴談從白社深
攜壺無俗客學語識幽禽
忽爾逢漁者誰知坐釣心

中貴人采金南方

萬國共球入帝廷
重聞新命下青冥
未央散遣中人日
南部遙看使者星
海上黃金無大藥
人間丹詔有威靈
司農

爲佐軍儲否今
歲徵輸或可停

黃一鵬樂清尹王婁江招飲沐簫泉亭

天際一亭開雲閒雙騎來欲尋仙子宅共上沐簫臺
階樹光含雨巖花笑近杯山公俱酩酊疑泛習池回

登吹臺絕頂

千仞岡頭一振衣幽厓陰洞到來稀青天樂向空中聽半
嶺雲從足下飛坐辨陰晴殊衆壑行攀日月隔重扉詠觴
未盡登臨興側
景催人下翠微

王挺江心寺

寶刹中流起雙峯九斗分天疑留砥柱山似惜離羣
禪室全臨水僧龕半宿雲曉來鐘磬發遙向隔江聞

黃燦東山草堂圖爲趙東山題

草堂虛敞依青嶂門逕逶迤蔭綠莎華蓋雨來雲拂戶墨
池春暖水生波書攤清晝鳥聲碎簾捲晚風林影多今日

長楊初獻賦未
應回首憶烟蘿

葉幼學題畫屏

樓臺倚拔萬山前
埜水滌洄亂石邊
茶竈竹牀搖晚翠
短篷高柳夕陽天

王文東漫興

孤心原不厭藜蒿
歲晚寒光入緼袍
映月蘆花和岸白
翻風石竹出牆高
乾坤消長看周易
身世浮沈寄楚騷
多道元龍成落魄
醉來何事氣猶豪

孫昭憶趙竹川

苦憶竹川子
新橋移小舟
蟹螯樽酒暮
菰米石塘秋
陟嶠雲連屐
歸城月滿樓
相思吳楚隔
烟水自悠悠

許琥春雨卽事

春光知幾許
寒雨尙瀟瀟
簾捲桃花艷
林藏鳥語嬌
顏從明鏡改
愁向濁醪消
已混樵漁跡
無煩話市朝

朱邦彥邵武道中

石磴緣巖一線通肩輿和雨度千峯
不知甌曲花前信吹過春來第幾風

婁恪除夕

白髮侵蓬鬢青燈對濁醪一年今夜盡萬慮幾時消
庭樹風千葉窗梅雪半梢酒闌詩未就雞漫報明朝

王諍江心重新門樓志感

中流寶刹似仙槎西竺浮來互海涯一自諸天停玉輦俄
然孤嶼擁金沙雲樓幻現三千界烟樹平分百萬家只此
滄洲足樓隱誰憐城市老年華

王叔果京口夜泊

地迴風聲震江空月色微棲鳥驚不定旅鴈欲何依
歲暮心彈缺天寒念卷衣家山千里隔幾在夢中歸

村居卽事

天上風雲變態殊
山中歲月竟何如
但聞魏絳和戎策
誰草王符愛日書
別院青春來舊燕
近郊綠樹帶新畬
投閒老矣無他念
日向溪邊看釣魚

望京城

驢背春風悄
林端曉月明
凍消塵不動
天迴雁聯征
日耀雙龍劍
雲垂五鳳城
長安知不遠
攬轡欲澄清

王叔本江心避暑

尋幽來古寺
露頂坐蒲團
雲散諸天淨
江空六月寒
叢林開雪竇
曲檻落風湍
一入清涼界
頓令心地寬

王叔懋遊仙巖

幾年蹤跡寄江湖
每憶空山得自娛
雨後瀑喧芸閣濕
夜長僧定佛燈孤
鐘聲百八誰虛枕
世界三千厭道途
他日重來尋勝事
禪關應許共跏趺

張鳴鸞送章一山南歸

花柳爭妍夾萬川紅雲如繡綠含烟孤帆此去看圖畫百
轉鶯聲勝管絃久客頻趨金谷外到家疑在玉堂前風流
我憶王摩詰爲寫江南雨後天

張鳴鶴贈楊南麓進士

黃花山下景偏佳驚見寒梢帶月斜
問字何人能載酒草元堂外擁青霞

林宗教澄鮮閣懷古

松老祠宮裊兔絲南枝不改撼風悲
睢陽力盡還爲厲諸葛身殲欲報誰
江海朝宗應有意汴杭回首悵無期
洲前蘋藻秋堪薦淚灑當年紀事碑

陳一貞詠仙鶴觀

錄一

偶息棠陰下聊登子晉臺旅魂驚去雁
春信問江梅生事青藜杖愁懷白酒杯
安期如有約早晚賦歸來

林宗正燕丹古興

昔聞燕趙地慷慨多悲歌今歷燕趙區烈烈北風多北風
吹車車欲覆捲地塵沙眯兩目白日爲昏不見人淚下如
聞漸離筑漸離之筑當如何燕丹大義激荆軻誓將一死
爲報怨藐視秦政如麼言下千金無諾責西入函關爲
刺客臨歧一筑易水寒蕭蕭古道衣冠白可憐七首鳴鶴
鋒不中秦王事已空八百年來燕社稷噫嘻轉盼爲秦封
劫灰不沒壯士魂千秋俠氣滿關門關門多少英雄客吊
古青衫濕淚痕共道燕丹能速禍我爲雄心快千古子房
椎興博浪沙刑徒笑起驪山塢君不見齊楚株連趙魏韓
奴顏婢膝要秦歡江山一日同吳沼何似昂昂公子丹

王光蘊游雨花臺謁南渠公祠

帝城佳氣曉蒼蒼極目三山思渺茫石磴曲盤雲樹暝天
風輕度雨花香空中華塔標靈界江上飛帆帶夕陽無那
登臨感今古還尋京兆舊甘棠

趙祖冬謝公亭

謝公今不作亭植大江心事往青山在盟寒白鳥沈
古碑磨水影高樹落春陰登眺斜陽外長歌慨古今

王應辰園居

喬木穿青谷名園帶紫畦
花知隨意發鳥欲向人啼
砌影風前竹池光雨後霓
坐來自忘去非是武陵迷

答戴錦衣

早謁麒麟殿曾諸龍虎韜
馬嘶燕草細鵬落朔雲高
結客傾瓊醕逢人脫寶刀
仍聞宮直暇詞賦振風騷

張遜業遊仙巖寺

支杖探奇度遠峯雲門遙見翠微重
珠宮縹緲懸銀漢寶樹參差鑲玉龍
咽露蟬聲和法偈出林香靄帶疎鐘
尋僧擬結青蓮社應覓廬山惠遠蹤

項敬祖重陽後三日王暘谷大參招陪吳翁晉飲江心寺

遊興本來偏臨江幾刺船身躋孤嶼上望入九山前
但得簪黃菊何須玩白蓮東南賓主在一一是豪賢

陳鳴鳳春望

鵲鳩聲歇雨初收一帶春山翠欲流
何處尋詩堪載酒綠楊堤外有扁舟

劉懋功古長相思行

我思美人隔漢陽九疑日出烟蒼蒼望而不見心欲絕空
留雜珮蘭茝香行雲行雨朝復暮無情有情誰之故哀狔
饑饉深樹啼干秋神絕高唐賦

康從理登燕子磯

雨過長林翠濕衣澄江迤邐隱壺扉清衝絕壁看疑墮雲
擁危闌思欲飛草樹依微分楚甸樓臺掩映遶吳畿憑高
日盡歸鴻外千古閒愁對落暉

江行有懷社中諸友

扁舟投落日遙夜楚江隅月上寒潮靜燈依野岸孤
馳驅悲斷雁牢落愧棲鳥一灑并州淚東流入舊都
懷顧太學

登樓風雨暮蕭蕭久客離魂黯欲消楚樹吳雲春寂寞塞
鴻江燕歲迢迢新愁芳草天涯路舊事梅花月下簫今日
分飛悲萬里憑闌搔首思無聊

王如璧遊江心

中川由來兩山夾相傳有僧此說法雙峯中斷忽復聯龍
負恆沙勢如壓一時聞見舉竦然爭輸金粟營諸天陵谷
幻遷幾千劫神呵鬼護淒寒烟宋蹕當年值艱否航海文
山此棲止摩文配卓表雙忠英烈江山並流峙荷余廿載
辭中川歸來風物良非前叢林宛轉負偉構金波碧嶺相
新鮮上方寶宇渺峯律樓閣參天麗朝日浮屠逼漢儼朱
輪迴塘偃臥隣鮫室秋水月蕩層陰玻璃萬斛浮珠林
天香梵語隔城郭蛟門一色空人心象外權歌動寥廓鏡
裏帆檣偏錯落蓬瀛彷彿路非遙滿眼流光看不足

洪孝先金陵與周雁川話舊

倦彈長鋏負年華共對琴尊惜聚沙千里鄉心貧有妹十
年生計客無家黃金浪說燕昭館白髮還食赤水霞盡道

新詩君獨細轉
憐椽筆畫生花

同王太僕出郭訪黎瑤石秘書話舊

一片碁聲溝水西
尊前秋色爲君攜
高天塵淨羣山小
建岫雲來萬樹低
劍合龍泉分紫氣
書從天祿照青藜
長安年少頭俱白
莫謾當歌問屬雞

張昭贈張白門

希里稱名隱脩然
水竹家嵐光團野
榻鳥跡印江沙
石室千秋草春畦
五色瓜鶉衣吾道
在寂歷謝聲華

王良心遊孤嶼

海上浮來第一邱
仙舟頻結白雲遊
蜃樓晴吐雙林曙
鮫室寒生孤嶼秋
姑射登臨疑北固
謝公題詠徧東甌
眼中自有蓬瀛境
何用乘槎採十洲

黃一莊客懷

滿天風雨作新秋臥起無聊獨倚樓
遙望太行天欲暮白雲深處不勝愁

王繼明蜀中寄所親

杜鵑啼處是東川北斗遙看思惘然
盛世無才慚竊祿衰顏何計覓真詮
少年幾醉星霜下此夜還疑筆硯前
莫謾題詩懷舊侶春來歸思已翩翩

林懋功書懷

夙昔襟懷苦未酬風塵敝盡黑貂裘
祇餘秋水芙蓉劍夜夜精光逼斗牛

張汝紀宿巴東館

暫憩巴東館驅馳春暮天
人家蒼嶺半麥壠白雲連
夜靜江聲急山迴月色懸
停盃問郵吏明日是西川

送大兄北上

紅葉西風別思多臨歧揮淚聽驪歌
星河影傍龍泉動鴻雁聲從蜃海過
兩岸秋山千里月一帆寒雨萬重波
春來

漫憶池塘句柳
色都門遲玉珂

張鳴鳳送太衡弟北上

把臂拂青萍含愁對紫荊月浮鵝鵲觀花繞鳳凰城
況是連枝會翻爲萬里行懸知池草夢遙憶不勝情

鄭貞元白雲菴次韻

芒鞋踏徧白雲阿滿壑松濤疊翠波
一自老禪譚偈後半簾明月照人多

邵倬遊江心

何處堪爲汗漫遊興來攜客此登舟浮雲忽幻羣山色祇
樹寒翻萬壑秋虹飲長川收暮雨雷盤高閣撼江流憑闌
不盡登臨意搔首蒼茫問十洲

周宗旦寄贈方隱君四首

錄三

隱君家在九華山夜夜春風吹珮環雙袖白雲留不住化
爲龍氣滿天關日日騎雲向武夷芙蓉千尺插天池池

邊白鹿春無數叱向高巖耕紫芝山中高臥六十霜
青雲爲佩霞爲裳南溟六月赤虹起羣仙跨之來翱翔

周文美寄懷洪從周社丈

十年燕邸故交違萬里懷人思欲飛浪迹自堪遺聖世深
情誰復念緇衣地偏花鳥驚時改郊迴風烟逐望非爲問
客星池上路此心終肯負漁磯

張德明悼忠詩

緊惟革除際天意何分明一以昌帝圖爲世開太平一以
立臣極爲道扶忠貞偉哉卓夫子仗節首捐生砥柱屹然
立坐障滄溟傾綱常旣標表日月迴光精乃知有自來於
事長有徵當其童叟日純孝根天經深夜馭虎歸呵護賴
山靈在生爲烈士在天爲列星餘勁鼓噫氣猶足鞭雷霆
明也產公里睠言歧芳聲采采西山薇糗以沅湘蘅再拜
寶香麓佇立獨屏營天風灑毛髮恍見來霓旌

陳紹賢贈陳學博陞任巴東

頤江冬暮最關情落木千山此送行一命原爲秦博士五
經重授楚諸生雲開古壘龍山近天遠孤舟夢澤平別後
思君何處是猗猗蘭芷滿江濱

何堅西山護國寺

暫謝塵氛地來尋鹿豕羣山行迷翠靄望足黃雲
古寺林中見天香坐裏聞長吟忘去住樵牧下斜曛

王繼莊贈關別駕四首 錄二

都仙昔冲舉遺讖在龍沙日唯千載遙丹臺貫金花元風
暢五陵八百隨飛霞其師匪異人豫章以爲家夫子起新
建紫氣成龍蛇竭來振瘡痍流惠於永嘉永嘉古仙窟
太玉浮菁葱華蓋攬吹臺瞥見雙飛龍使君守清淨皎日
行秋空戴盆無遺照探丸無遺踪車門冷如水袖刺疇能
通何謂老王生渤海翻見容

吳彥匡飲王挺然齋中感舊之作

帝城烟月憶同遊日夕清談散旅愁有酒便尋桃葉妓無
錢將典鷓鴣霜裘阮公逝後誰青眼陶令歸來已白頭佳會

良宵真不易一
尊爲爾更遲留

項以勲春懷

徘徊惆悵舊游蹤暮雨朝雲一夢中
檻外空餘雙燕子春殘猶自傍簾櫳

聞得仁題楊掌教北湖菴

鄱陽春至水如苔楊子談元草閣開
一望湖光三百里薰風五月自南來

張昂寄許海岳太史

天上仙人碧玉堂山中野客薜蘿裳青雲附去才偏澀白
石歌來鬢漸蒼環珮瀛洲憐窈窕經綸黃閣喜相將秘書
只擬從君讀吐握當年意已長

葉選入山和舍弟仰山韻

歎息年來滿眼塵春風覓棹一尋真
山中猿鶴休相訝原是烟蘿舊散人

王孟暉武昌晚泊

遙指春紅滿，微廬故山望。
斷萬山餘舟前，入夜聞吹笛。
夢裏逢人說，寄書赤壁月。
明飛一鶴，武昌水暖躍雙魚。
相如多病還爲客，懶散無心賦子虛。

虞世暘清明舟中

舟從雙嶼向三溪，晶晶晴波接曙堤。
古寺迴風寒食柳，短牆臨水午時雞。
高低陵谷梨初放，遠近郊原麥正齊。
爲取烟光拚一醉，莫教空酌草萋萋。

王光美白沙嶺望梅

縹緲烟波一望收，天風吹浪海東頭。
千峯紫霧通瑤島，恍見仙人十二樓。

王名世彭城舟中

蘋末風生五兩輕，呂梁水落浪花明。
停杯不御思公子，獨憶雞壇昔日盟。

周一奎送劉博士之任湖廣

落日甌門外長波破暝烟官仍寒博士人上楚江船
海月歸仙旆山花媚遠天自憐吾道大萬里一青氈

項維聰漫興

無言獨倚木蘭舟見客猶遮半面羞
我有青衫應欲濕無人知是舊江州

雨後登鎮山

暑氣消拳石息影灌木陰譁聲滅枯槁喜色生
千林微潤安足恃滂沱須甘霖四山尙雨腳百昌知天心久立轉焦
勞曠覽非登臨童奴不解意拂石張囊琴

贈李使君

高秋長缺許相過意氣逢君一放歌興自臨卣杯底盡詩
於彭澤菊菊邊多佳人玉笛聞春柳碧檻銀燈撲夜蛾聖世
可能容蹇拙欣從太液共恩波

吳光翰錢塘夜雪

積雪滿江干，霏微夜色闌。
光浮汀樹碧，聲入海潮寒。
戍島猶燈火，漁槎任釣竿。
茫茫天水際，疑作玉京看。

泊清江浦寄山陽楊明府同年

長隄四望渺烟波，欲泊扁舟更渡河。
江北雁鴻秋後少，山陽砧杵晚來多。
蕭條古驛霜千樹，冷落漁燈雨一蓑。
爲問彈琴淮上宰，小山叢桂近如何。

林暘江心觀潮

孤嶼潮生江月迴，晚風吹浪響春雷。
水晶宮殿通鮫室，海角珠林結蜃臺。
千古風流懷藻思，百年英烈想殊才。
佛龕燈火光猶在，曾照君王步輦來。

黃宗揚正與山居卽景

一庭山百隴，真是綺園家。
敬砌淹殘雪，疏窗宿斷霞。
鶯聲三月柳，鶴跡半溪沙。
問字曾無客，開尊獨坐花。

王光經東谷菴

古刹藏幽谷林深何處通
午風松謖謖曉露竹叢叢
鳥跡疑無徑梵音覺有宮
客來層嶂外僧定密雲中
草長緣堦碧花飛入座紅
晨昏鐘磬響靜悟得真空

周文穎紫心香

枝枝嬌娜映窗扉
冷玉含烟尙未稀
寄語兒童休折取
恐將香露濕春衣

翁家春山東道上

覆地蘆花白燒天柿葉紅
客心愁落日馬足趁歸鴻

戴宗璠仙巖觀瀑集流觴亭

寶地尋丹壑春風漾彩舫
山容開遠黛水鏡合中冷
徙倚雲松暝低徊瀉瀑紫飛揚
奔素練噴薄敵春霆樂意同濠
濮澄襟契翰冥羽觴流竹澗
褱飲續蘭亭良會猶難再高
歌暫停林光昵宿鳥野火吹沙汀
歸醉茗花掩還翻貝

葉經餘情猶未
輟遮莫動晨筵

戴宗獻冲真觀

昔時見說丁丁碑未解此碑落何所年代已多碑已殘怕
向人閒作柱礎今秋挾卷來宣陽雨後新涼生白苾廣文
官舍一事無但覓溪山自容與一水灣灣屬浦迴斷橋流
潦爭喧厯僕夫負我超彼岸俾見鐘樓高拂漢開元天子
葉神仙曾勅名山爲道觀真人妙道傾天下太守高才埒
王謝澹帷偶過爲談元卻求麗藻光重泉文章草草求不
得夢裏揮毫更洒然天雞啞啞夢轉驚仍於紙尾書丁丁
一時結撰稱怪事千古冲真記勝情黎牀少憩試秋茶往
事淒涼感物華最憐丹竈浴狐鼠惟有洪鐘如鼎呂斷碑
漫漶敲不停前年昇入公庭去枯柏昂藏老翠虬斜陽衰
草冷颼颼縱橫鳥跡苦
階上可似丁丁遺篆不

王維夔偕董達父翁克生家弟昭會夜度虔南第一關因

同用爲起句

夜度虔南第一關層巒隱現絕躋攀暗塵驅馬青山外古
驛懸燈綠樹閒遙聽哀鴻聲唳唳近聆清韻水潺潺漫言
九折王陽坂行路驚心步轉艱

包容採蓮曲

微風落日動波光掩映芙蓉若艷粧隄畔俱飛兩蛺蝶池
中並起雙鴛鴦相牽採蓮女遠去花中央蓮花亂粉面荷
葉拌羅裳遙聞唱歌響回船盪雙漿

湯克詢春風亭爲徐博士賦

東山飛翠入簾櫳庭杏花開映日紅
譚盡義文三十六令人不覺醉春風

柯榮送吳門陳仲明遊閩

有客維舟賦遠遊離心空逐大江流浮雲影裏龜鼉國旅
鴈聲中荻葦洲千里他鄉重作客十年愁鬢又逢秋已知
湖海元龍傲何日還登百尺樓

林翔送何无咎之白門

祖帳清尊此送君
關山鴻雁不堪聞
石梁霞起飄詞采
赤土星躔動劍文
萬樹秋聲遙帶雨
千峯寒色莽生雲
西風何處逢搖落
目斷河橋路轉分

張中蘊題聶明府擊壤集

喬松秀新霽
修篁靜含影
峭嶂精琴心
遠蕭爽鶴韻
永升邱得異境
令人發深省
絃歌憩美陰
九臯清露耿

王士光題爽閣

飛閣俯平疇
登臨翠欲流
天開山似畫
雨過樹疑秋
極目遙青入
高歌大白浮
壁閒何所有
寒氣隱吳鉤

胡維寧舟中卽事

雲舒遠嶠雨初收
葭莢蒼蒼一棹秋
白鷺不知新水漲
飛來還認舊磯頭

林宗志送陳仲川

芙蓉江上半含秋
新月蘆汀送太邱
此去月圓人已遠
那堪望月獨登樓

周應期江心寺和先太史韻

漫傳世外有蓬萊
靈境中流不染埃
欲倩羽輪來作楫
翻疑蜃氣結爲臺
望窮蒼漢江雲起
醉倚危樓海色開
試讀舊題先德在
萬重錦浪破春雷

陳堯言秋懷

何處飄桐葉蕭蕭
不忍聽鄉心曾夢
寐散跡尙雲萍
旅館寒先到孤眠
酒易醒推窗欲天
問斜月映殘星
張聯芳送何无咎
至榆關赴鄭中丞
之招

招賢書幣至握手
暫相分海接黃河
水城連紫塞雲
檄文勞彩筆兵政
試參軍別後關山
笛淒清不忍聞

王志言謝公亭效謝體

澄江蕩元陰曠劫
淩孤岑回瀾媚層
刹雲水互升沈
瞰海起芳榭遙迤
迤控珠林摩崖像
康樂臨風懷佳吟
夏禽變春

草五馬空遺音意澹境逾寂慮忘淵與深塵棕
作闌市流光悵古今何如屏勞雜於此披我襟

登永寧山

東甌海上最高峯結伴來登仗瘦筇山控孤城封薛荔潮
迴雙塔出芙蓉平原綠映下疇稼遂壑聲旋十里松一嘯
長風招玉羽相將此地覓仙蹤

王至章詠懷和韻

庭槐誰植舊時陰遁跡牆東恐未深一榻清風高士臥半
窗明月故人心浮名無復塵中擾幻境應從夢裏尋淨土
由來多慧業試將妙果滌凡襟

劉思祖飲湯見絃左丞宅

得見真如夢天涯恍一家杯深霜後葉燈落雨中花
劍氣沈湖海萍蹤負歲華離心與鄉思啼徹夜城鴉

懷姚龍文

獨憐流滯共他鄉
白草連天道路長
鼓角夢迴江漢月
雁鴻聲斷薊門霜
論交自任平生俠
結客誰當年少場
一夕思君揮綠綺
蒼蒼葭落木夜蒼蒼

黃國信大龍湫觀瀑

遙聞蓬壑響晴雷
天際泉飛一道來
映日光搖虹變幻
迎風素捲雪徘徊
忽從歌嘯沾衣袂
時灑珠璣落酒杯
四顧霏霏看不足
又憑拄杖上高臺

林隱之秋夜集王季中齋頭

花底笙歌月下聞
曲闌干外駐流雲
鸛鵲典盡靈辭醉
遮莫胡牀坐夜分
諸時升雨後吟

山中習靜無人語
檻外惟聞鷓鴣啼
見說夜來風雨急
落花流水滿前溪

劉光亨閨思二首

花下與郎別別去郎音絕花不負郎期花開郎未歸
花亦不常好顏萎委秋草相逢花落時芳心可自持

張天麟西山曉望

風嘶鐵騎草萋萋碧落晴分唱曙雞佳氣漸浮平楚外清
光遙接薊門西鎖開閭闔千巖曉霧捲滄江萬木齊多少
廢興烟草裏西山雲壓翠鬟低

秋思二首

水閣蒹蒲淨江空暝霧收客心原自冷搖落不關秋
湘水千年恨孤臣萬里情秋波催落葉寒雁兩三聲

邵建策過嚴灘

千峯迴合古祠幽烟外蘼蕪入望愁山月清秋懸楚樹客
星殘夜落漁舟郡名猶借嚴家姓江色長遺漢水流明發
王程南北路幾人蕭瑟問羊裘

王至京楓聲

一山紅樹起秋聲
風急飄飄逐遠旌
好句溝中題未就
斷腸陌上思偏生
朱顏欲老驚秋鏡
霜面初酣近赤城
爲憶楓宸催漏日
鳳凰池上聽流鶯

陳立政桐江舟中

窈窕青山枕上迎
橫空嶺樹作秋聲
晚來但覺衣沾露
若個蓬窗無月明

陳應聘登雲龍山

停舟問水倚岸見南山
古寺連雲聳遊人落日閒
臨池知鶴去望氣擬龍還
張子修真處清風不可攀

劉康祉延綠軒爲張叔平題

主人年少惜居諸
山色湖光萬卷書
散帖松陰開綠字
披帷花氣襲荷裾
鴨頭春酒巾堪漉
馬齒嘉蔬手自鋤
莫是風流今仲蔚
蓬蒿芳翠接君廬

留別无咎少文二丈

雖被飢驅出其如步不前低回向兒女蹭蹬怯山川
雞足原荒服刀頭指隔年期君惟善飯遊草藉君傳
金錫敦送項懋德副使之廣西

春風吹柳綠送客向牂牁萬里蠻烟重千山桂樹多
人瞻新節鉞道偃舊干戈此去尋銅柱應憐馬伏波
項守祖經華嚴廢寺入大龍湫

片地猶存古刹蹤崎嶇蹊徑度疎松秋深古蕩見歸雁嶺
隔靈湫尋臥龍淨宇未陳何處楊高岑先過此時節日斜
鳥雀爭棲宿暮色蒼蒼映遠峯

徐洪復別友人歸秣陵

一劍隨孤影三山道路長笑人方把臂游客正思鄉
古驛生芳草征帆挂夕陽幽懷千萬里無夢不瀟湘
蘇楨江山早眺

聞雞方罷舞放眼一登臺海日雲扶起天風鳥喚來
山青苔欲蝕水碧霧初開對此還多憾空懷庾信哀

邵建章登浩然樓詩

浩蕩觀秋水長歌倒綠尊
虛樓含蜃氣危石澗潮痕
落日收江郭殘霞散海門
滄桑何足問一醉任乾坤

客中

客中長夜那能堪吟罷推蓬酒半酣
霜月半天柔櫓響載將殘夢過江南

方日升同劉逢祥遊洪山寺

出郭探靈勝攀蘿到上方
崖開金刹麗林護藥官香
雲淡江流細烟消樹色蒼
居然雄楚望何必問瀟湘

方日新無題二首

水白沙青二月天
離人獨上路河船
應知到處頻回首
君在江南妾在燕
鶯花處處報春光
一片離愁上太行
自是君心留不住
休言柳色滿河梁

張蘊璧秋興

千山落木正蕭蕭入夜篝燈倍寂寥點點螢光侵翠幌
嚶嚶蟲語度寒宵張儀舌在仍蓬戶揚子元成待聖朝莫遣
南冠囚楚客可能樗散老漁樵

孫林同楚客殷徵卿飲太玉樓次韻

客成洞口古仙關虹駕層樓碧漢閒王子吹笙驂鶴馭騷
人飛羽染朱顏雲深竹徑苔衣滑風靜珠簾鳥韻閒謾道
當年池上酌風流今日得追攀

張士和送友遊吳

長歌撫劍對離杯愁思臨風不易裁越嶠雲山孤騎遠洞
庭烟月片帆開藏名豈效壺公隱下榻偏宜孺子才卻憶
姑蘇佳麗地遙知懷古一登臺

王至彪晤與萊姪

纔入羅浮境江山豁我思相看人似水不盡畫於詩
吹荔宜長客初蘭依舊知自君爲政簡遊者總無疑

陳名卿陽湖卽事

湖畔森森玉萬竿
湖光掩映水雲寒
片帆飛入烟溪暝
過客應疑作畫看

陳仁卿遊貞白寺

三涉尋山到永嘉
白雲深處此爲家
一邱多種千年木
片石時棲五色霞

陳晉卿送友人之燕京

邱上牽蘿繫客船
關河杳渺綠尊前
龍門匹馬當秋度
象浦孤帆入暮懸
廿載貂裘猶滯越
千金駿骨已歸燕
休嗟客路秋光晚
回首春風早著鞭

陳可棟江心寺

岩龕梵宇卓中川
倚檻登臨思惘然
丞相祠前雲樹合
謝公亭外水連天
潮平古岸風帆迅
月映澄江塔影懸
帝子遺蹤何處覓
清輝行殿冷蒼烟

姜應果采蓮曲

若耶溪頭新過雨，婉婉芙蓉嬌欲語。
深閨少婦正含愁，共汎蘭舟渡烟渚。
紅妝映水爛明霞，爭前競折雙頭花。
玉纖斜綰藕絲斷，綠雲半鞦翠蓋遮。
花容自惜人誰敵，欲寄相思川路隔。
棹歌一曲起中流，驚散沙頭兩鸕鶒。

趙士儀中秋城陵磯舟中夜望

露冷磯頭夜氣清，滿空星斗映波明。
一彎黃月斜將墮，遠近風川漁唱聲。

陳邦屏楊柳枝詞

微風澹澹月溶溶，禁柳初眠夜色濃。
露葉織成千種恨，一春無語上眉峯。
黃沙磧裏遠從軍，白馬津邊逐雁羣。
四月初始青原上，柳吹來羌笛不堪聞。

姚虛煥客夜

白髮歸何晚，湘江兩度秋。
寒蛩將夜雨，併作客窗愁。

程萬里山梅盛開因憶德運其若二甥

香風暗度野人家曉起驚看滿樹花
欲折一枝傳隴信數聲殘笛夕陽斜

陳忠義寓西湖

西風匹馬武林秋水國蒹葭憶舊游何處揚雄堪問字
邇來王粲倦登樓才疎祗爲浮名誤計拙翻增羈旅愁卻怪
癡魔長自在昨宵猶夢拭吳鉤

陳謙壽柳亭衢先生過訪

君來春正好烟柳滿江城擊鉢新題詠傳杯舊友生
烏囚窺客下花故傍人少莫惜頻過此關河易愴情

王古詠柳

欲與梅花鬪早春陌頭纔見翠眉新
不知長日緣何事吹盡東風不解顰

吳雲鴻春日酌趵突泉

出郭饒春興，尋幽到水雲。
堃泉隨地湧，細雪倒池分。
花氣微風暖，嵐光遠樹熏。
清都塵事少，深院步虛聞。

陳陞游江心寺

中天忽湧靈龍脊，四望江光湛寒碧。
層漢雙懸翠堵坡，亂流屹立楞伽石。
蓮臺寶殿開玲瓏，峭壁下瞰蛟龍宮。
蓬萊壺嶠若咫尺，午夜浴扶桑。
紅飛閣憑虛，寄舒嘯獵纓。
萬里來雄風，文信忠貞表。
遺跡砥柱能扶地，維爪江聲鳴咽。
月明中千載猶疑見顏色，弔古無須重忼慷。
古今風物共悲涼，酒闌獨汎星槎去。
忽聽鐘聲出上方。

任日躋夜坐感懷

長夜輕寒屬早秋，銀河清淺碧烟浮。
何人向月催碁枰，有客凭欄歎敝裘。
遠寺疎鐘虛入夢，高城殘角暗生愁。
年來多病偏多恨，幾處傷心淚欲流。

余元溪松臺山

一聲啼鳥破春愁，直上松臺頂上游。
碧樹低藏花遶小白雲，深鎖竹房幽。
千家桃李迎晴日，九斗烟霞擁畫樓。
徙倚

危欄更回首恍
疑身在六鰲頭

董元晉宿上天竺

上竺層樓聳橫窗月色清蛩悲秋露濕鐘送暮雲輕
燈罩半珠焰風翻貝葉鳴何須方外覓卽此悟無生

董大受庚午除夕

歲寒浪跡寄羅川回首鄉關思黯然
旅邸年華愁裏度天涯兒女夢中憐

蘇之偉謝公亭

謝公亭榭在乘興一登臨名勝宣城地悲涼越客吟
曉霜寒沁月裏柳淺垂陰欲和驚人句風流自古今

謁文丞相祠

丞相祠何處淒淒俯大川潮吞朱鳥喙血灑杜鵑天
芳草朝烟暝青山落日懸西臺曾擊石慟哭至今傳

王起元兒童翫月歌

今朝月更好去屋只丈餘日離阿母懷下牽
長兄裾相將喚聲傍舍兒我家有月爾何如

王名英送劉參軍

千條弱柳綠如烟欲挽征人奈別筵玉勒曾嘶野戍外樓
船時駕水雲邊重辭甌越長爲客一入天台渺若仙此後
劉琨須憶舊莫因迢遞惜瑤篇

鄒寅秋柳

不復青青拂女牆獨留疎影落銀牀祇緣弱黛爭春日故
遣纖腰妬夜霜荒苑數枝風裏瘦長隄千縷月中黃愁來
送客難爲折只有寒蟬引夕陽

葉尙高上太守

北風袖大惹寒涼惱殺溫州刺史腸
何似蜉蝣易生死得全楚楚好衣裳

戴昌鳳送朱淡生之天台

昨夜春風到碧苔一肩行李入天台山深流水依然在溪
冷桃花半未開采藥展停松下徑尋芳衣掛竹邊臺劉郎
漫結烟霞侶且憶家園歸去來

楊世瑞九日偕友人登郭仙菴

九日攜樽陟翠巒况逢朋舊共追歡江搖白練連天遠山
疊青螺作髻觀何處雲烟浮海曲幾家砧杵送秋寒龍山
勝會誰人得折取芙蓉醉裏看

王欽彝贈族人移居

小隱年來賦卜居蕭然環堵意何如階疑碧蘚連陰候院
鎖寒花細雨餘避世不妨蓬戶閉絕交安問故人疎茂先
無物堪移去剩有盈車萬卷書

王欽豫同友人話西湖舊游志感二首

錄一

自別西湖已十秋每逢烟月憶同遊
傷心不盡年來事風雨冬青總結愁

劉士焜讀報國錄先編修傳

金陵故主重詞官魁壘丰儀殿陞端草詔才雄風雨集憂
君骨立雪霜寒先鳴稍次方臨海後死無慚卓瑞安聞釋
非關孫與祖普
天臣子獎忠丹

王宏性客中野渡

溶溶秋水接天涯半浸雲光半浸霞
何處鄉關堪極目孤帆獨掛夕陽斜

王鴻京送林弱仙遊吳

騷客逢秋作遠遊登山臨水思悠悠丹楓未落吳江畔碧
柳先攀越海頭莫問鼓鼙驚旅夢但憐碁枰動鄉愁蘇臺
烟月多佳致一
任奚囊句好收

國朝

林占春寄懷陸麗京

飄泊憐吾黨，騷壇憶舊盟。君爲湖市隱，吾學霸陵耕。
桑苧翁留姓，烟霞叟匿名。雙龍劍未合，風雨各悲鳴。

林夢龍過江心卓忠貞祠

兵入金川事已非，孤臣殉國淚沾衣。攀龍何取從魚服，逐燕空令上帝畿。湛族甘心全勁節，徙封遺疏識先幾。荒祠寂寂扁江許，古樹迷離黯夕暉。

羅浮山柳將軍廟

羅浮峭壁倚江濤，古廟巍巍劍履新。月上潮聲嘶戰馬，風搖巖樹撼征塵。最憐人傑思安漢，更愛山靈說避秦。咫尺中川文相國，雲旗來往不辭頻。

楊逢霖過暘湖舊館五首

錄一

舡艫輕移綠水前，辛夷花發柳如烟。
人情似共花情醉，暗逐花香送客船。

王至嘉寄懷吳中諸友

昔年京洛幸同羣遙對蓬萊眺五雲
冀北無良空市骨終南有徑恐移文
蕭條斜日人千里寥落風寒酒十分
爲問能重弔望諸君

王睿舟行有作

輕浪逐扁舟千山勢欲浮
波衝危石咽帆帶夕陽收
歸鳥寒烟外行人古渡頭
櫓聲搖月裏疑是泛槎遊

楊一完秦淮舟中

已作南行計何緣溯北流
淮陰重問渡京口載維舟
倦漿迴鄉夢孤蓬送客愁
悠悠身世事誰與論沈浮

詹堯廣中秋宿孤嶼

明月中秋好江天正沈寥
樓臺沈暮靄鐘鼓咽寒潮
龍女珠明滅鮫人室動搖
題詩與誰共珍重此良宵

黃鳴球江頭夜坐有感

萬里清江鎖暮烟扁舟夜宿海門邊
千堤草色生鄉思一派潮聲到客船
難寫音書傳過雁故將心事對啼鵲
臨風

惆悵頻回首宵
拆迢迢更可憐

王錫珪登甘露寺玩江樓

大江流不盡迴帶有金焦匹練連吳會寒礎入暮潮
雲歸山樹暗月上海天遙咫尺通霄漢何人夜弄簫

秋柳十首 錄一

不耐腰肢強自持慙慙宿雨正顰眉瘦如沈約頻移孔病
似吳蠶欲斷絲子夜微霜堤色冷武昌明月角聲悲秋風
落雁斜陽裏正是長門鎖恨時

曾鳳翔題漁隱卷

鼓枻烟波上飄飄不世情生涯千頃遠名利一絲輕
跡共浮雲暇心同流水清生平身外事端與白鷗盟

旅懷

梧桐葉落桂花秋此際懷人分外愁
獨倚畫欄清不寐一聲寒雁過南樓

張采齊紀行

落日空山裏高低客路迷疾雷翻石壁驟雨暗前溪
斷樹杈枒立驚禽錯亂啼不堪搖落盡何處足攀躋

林健別席司李

哀鴻聲裏大江秋一曲驪駒不可留紅樹遠村霜下淚青
山歸夢雨邊舟烟迷殘堠愁征路寒入孤燈怨驛樓別思
黯然聊聚首蘆花明日已汀州

贈別南生魯先生二首

錄一

一曲驪駒起暮城春花春草喚愁生
季鷹不爲鱸魚去誰識江東有步兵

王爾椒春懷四首

錄二

暮雲羌笛動江城滄海烽烟迥未平下瀨盡持楊僕節度
關欲請尉佗纓中流破浪檣帆迅落日懸旌壁壘明聞道
伐謀須勝算幾時樽俎坐銷兵此日萍蹤敢重論吳鉤
看罷轉銷魂杜陵飄泊家何在馮客悲歌欽僅存幾處麋

蹀啼白晝一江烟雨送黃昏容成
絕頂堪凭眺愁見浮雲蔽故園

寄懷陸麗京

當年君泛海東槎羣彥追趨國水涯
投刺昔曾傾許下上書親自擬長沙
梁鴻作客歸無地潘岳還家鬢已華
縱有元亭遺業在懶將奇字授侯芭

王觀送吳師還京

遠駕樓船杳渺閒波澄今已見清灣
北門鎖鑰分藩出南越珊瑚入貢還
已奉宸章趨殿陛難留仙旆駐江關
燕雲縹緲思無限翹首斜陽萬疊山

楊兆岳送法幢大師之大梅并遊台宕

化人遠在海天陸手把孤筇一問之
道契靈辭千嶂隔身閒只有片雲隨
石梁月落應留偈雁宕秋來好賦詩
此去歸期難屈指門前記取舊松枝

楊毓岳途中作

喬枝嫩綠鳥聲微一路幽香送客歸
忽憶明朝春欲盡故園零落野花飛

李元發同梅贊臣遊江心寺

紺宇薰風拂彩鈴蒲團坐對兩峯青
屠沽懺悔堪參法魚鳥忘機亦聽經
到處生涯雲滿袖得來慧業水盈瓶
棲遲漸覺翳情盡靜夜漁歌出遠汀

陳邦紀夜泊錢塘

旅宿維舟晚明霞亂水紋風烟兩岸合
吳越一江分高塔懸新月孤城繞暮雲
胥濤終古在天色借氤氲

丙申夏 西苑瀛臺 召見恭紀

羣依曙色謁天閭拜命初分第一行
如見卿雲歌復旦欲沾湛露賦臨陽
軒軒火藻開丹掖夾道松筠映畫廊
鴻羽高乘霞際彩鵷班遠接殿中香
聖人自昔勤宵旰小吏由來矢贊襄
敷奏未窺唐典故策撫綏誰踵漢循良
葱蔥

西苑王猷茂習習南薰化日長四國無虞期脫劍三年底
績問爲郎分符非不煩宣力學製猶然重報章率土何常
非樂土毋忘
咨牧說平康

林齊鐸陪萬兵憲飲陳中秘宅賞瓶花

清標如在玉堂中瘦影相看酒不空分自嶺頭香拂幌寄
來隴上冷欺風八方何遜詩偏逸客似元龍賦獨工安得
琴尊長作侶漫
隨短笛逐飛蓬

谷宗綱登滕王閣

高閣凌虛江上開登臨四顧亦雄哉誰將此地傳杯手獨
擅當年作賦才霞鷺似留新翰墨水雲猶擁舊樓臺斜陽
影裏滄波浩無
限豪思逐醉來

包文愐飛霞洞

片巖聯堞起剝落遍蒼苔棹入桃花發棋閒鶴羽來
流霞映綠草飛翠拂雲垓碧水仙宮淨何時洞口開

張俊中川寺

鰲極凌空亦壯哉
水晶宮殿此中開
雲扶塔影隨波湧
風挾潮聲撼地來
落日寒蟬鳴綠樹
荒亭古碣繡蒼苔
淒涼留得雙祠在
千古精光射斗台

陳天章初復偕同人讌集江心分賦

塔擁中川最上乘
清和天氣喜同登
從軍自昔推王粲
得御於今見李膺
啼鳥聲殘春已去
垂楊影密日初蒸
江山四望堪題詠
欲作驚人句未能

黃厥昌春暮尋陶貞白丹室故址

仙境人初到
花飛春已深
白雲橫舊嶺
丹室隱重林
不見金銀氣
惟聞山水音
浮生爲物役
暫且寄幽心

徐凝感事

慘淡黃花地
崢嶸白雁天
連山開毳帳
橫海出戈船
陣結寒雲合
萬鳴朔月懸
國殤與野哭
對爾一潸然

春日卽事二首

錄一

林外紅雲映碧溪
芳園雨歇早鶯啼
誰家畫鷁雙蘭棹
撐出河橋楊柳西

林必登贈體印上人

蓮宇依鰲背
花臺倚蜃川
山山青迭迭
樹樹綠生烟
悟徹江聲苦
心閒海色鮮
蘭盂清曉氣
茗碗洗春泉
入望銀城迴
浮空寶筏懸
雲垂龍聽法
林動鳥歸禪
鐘磬波閒月
樓臺水底天
昔曾從面壁
今亦幾忘筌
香積僧厨午
菩提佛國年
西來當日意
誰共遠公傳

陳振麒遊孤嶼

雙塔連天際
嶼岫不可攀
潮聲兩岸急
山色隔江閒
城郭烟雲裏
亭臺水石閒
漫言塵俗累
咫尺是元關

鄭文標過釣臺

釣臺寂寂枕荒邱
千古高風孰與儔
山水終歸嚴子宅
波濤猶作漢時流
灘聲入夜搖寒月
樹色淩霜接素秋
欲渡

扁舟更回首蒼
蒼烟水照羊裘

謝包京賜湖卽事二首

遂與車塵絕茅茨物外懸有來山突兀欲往水淪連秋葉
憐衰病春花感盛年倚欄無一事珍重賦遊仙卽此是
田家林塘竹徑斜罷栽彭澤柳來種邵平瓜倚杖
移長晝開尊駐晚霞洒然婚嫁畢五嶽未爲賒

長安秋感

上苑涼風起高商報素秋已成宋玉賦更上仲宣樓
返照黃雲暮迴風白雁愁蕭蕭寒色近清角滿皇州

陳璉別梅贊臣

驛亭分袂覺蕭條愁見征鞍隔小橋烟水迷離吳地遠雲
山斷續越天遙半江帆影牽輕棹孤嶼鐘聲答晚潮千里
別君無可贈驪歌唱徹黯魂銷

翁應春偕包幼白妙高臺夜坐

山意祛塵雜孤清此夕中怒潮千里動靜夜四天空
塔影藤蘿月鐘聲竹柏風隔江烟樹裏寂寞一燈紅

梅調元王謝祠

前守推王謝荒祠倚郡城千秋傳墨妙六代擅詩名
沼古鵝還浴塘春草自生風流今古事俯仰一含情

金陵懷古

白門佳麗古吳京秀氣葱葱望裏生蕭寺只今餘畫壁秦
淮依舊夾朱甍千年豔血埋鴛冢六代寒烟繞鳳城多少
遺墟人不到夕陽飛鳥自關情

梅調鼎笙臺晚眺

仙人遺蹟寄山阿春入元壇長薜蘿丹竈雲深留虎護瑤
笙風暖倩龍和峯頭五老迎殘照水面雙鳬狎晚波樵唱
牧吟歸曲徑萬家竹樹暝烟多

張雲翼芳草八首

錄一

古岸離離曲徑迷青帘斜映小橋西
瑤堦題怨年年長金谷無人處處齊
湘蕙漫隨蕭質化燕絲故向柘枝低
尋芳蠟屐登山去應惜春香印齒泥

張師典初夏偕葉又生遊證聖寺

空山寂寂冷於秋鳥度歌聲韻更幽
古徑行隨青嶂合禪心閒共白雲遊
林深淡月飛鳥鵲松老晴嵐舞翠虬
欲待天香秋夜折雄心未許付丹邱

王萬昌懷人

湖烟漠漠雨漫漫一水相思問渡難
到得醒來猶是夢原非愁處不成歡
疎鐘晚度林陰寂素壁宵分燭影寒
滿徑落花猶可聚聯茵那得重盤桓

王相與川子姪城南雅集遲梅贊臣

憑將書札報有約訪城南曲徑花頻掃
方池月乍涵屐聲纔入聽坐客已無談
林下諸賢在風流忝獨慚

鄭應曾王草堂招集江心卽席分韻

右丞騷雅競躋攀初夏招尋孤嶼閒此日江天開曉霽昨
宵風雨送春還千層塔影疑撈漢萬里潮聲欲撼山詩就
不知烟樹暝猶同呼酒對潺湲

陳元書立夏前一日王草堂招集江心卽席分韻

啼鵲昨夜惜春殘此日樽開北海歡孤嶼霧深晴亦雨諸
天雲近晝生寒隔城柳簇堤邊浪出水鷗翻江上瀾卻喜
惠連邀入社羊何應愧和歌難

謝夢覽追和文丞相宿中川詩二首 錄一

百折閒關鬢欲絲河山風景幾傷悲小樓三載疑無地全
史千篇說與誰碧血任從王謝哭丹心早與謝張期狀元
嘆息書空讀羞見先生一片碑

康世綬江心寺卽席

江上峯青映綠蕪雨餘載酒坐蓬壺隔林水漫樓臺影遠
岫天分海嶽圖喜托良遊從雅士謾言高隱學潛夫座中
疊見新詩出滿
灑才情各自殊

王詠過王介園有感寄歌者

廿年歌舞地回首不勝情羣馬留荒墅殘霞失繡甍
春風空自媚夜月向誰明獨有何哉在相期濁酒傾
黃朝珪西津橋

鰲背依空立憑闌賦壯遊櫓聲隨岸轉樹影逐溪流
日落千巖暮風迴萬壑秋坐來狂思發長嘯起沙鷗
林公璽江心寺訪大雲禪師

誰遣龍宮作梵宮明珠夜照長空雲扶雙塔撐蒼漢霞
起千門駕彩虹鷗鷺無心盟可結塵埃有路杳難通到來
不覺忘歸去月
上禪關謁遠公

陳作聖蓉江烈母詞

當年烽火起江甌大義捐生赴碧流不惜黃金給七萃遂
令青簡重千秋冰心皎映芙蓉月玉貌香銷杜若洲聞道
樂成多氣節高風如母迫難儔

王臣法送鄒文江還金陵將游燕都

幾年聯袂釣旣濱忽聽歌驪別恨新一水浮雲迷去棹千
山明月送征輪楓林坐愛吳江晚柳色行看漢苑春他日
黃金臺畔客可
能重念舊游人

王澐孫秋夕過鵝湖

日落千山紫湖光寫暮秋浮屠鐙影亂斷岸棹歌收
苔滿稀人到荷殘動客愁聯吟猶未已新月又窺樓

黃驥宿江心寺

江天秋色半黃橙夜擁霜衾傍化城燈暗松門沈佛影花
飛塔徑帶鐘聲寒潮漂月驚沙雁古樹搖風吼石鯨我是
邯鄲初夢醒老
僧又覓話無生

周天錫舟行雜詩三首

錄二

岸草依沙長，江花傍驛明。
那知離別夢，半是故園情。
短髮頻窺鏡，長途怕問程。
晚來蕭瑟意，坐待月華生。
夾馬營名古，淒清接大荒。
平疇餘壁壘，梵廟列椒漿。
夢覺人千里，舟迴水一方。
旅懷增感慨，白露已瀼瀼。

甬東訪舊無一存者感賦

望春橋畔水模糊，記得當年賣酒鑪。
壁壘西風新帥府，香林斜日舊屠屠。
波吞湖海樓船動，雲掩關山鐵騎孤。
朋侶可憐零落盡，門前唯聽夜啼烏。

王鶚卽事

盤鹽瓶醋水邊芹，午飯多嘗此味芬。
偶爲款賓呼買酒，非關伎佛不如葷。
留錢囊底終成澀，彈鋏門前總厭聞。
牢落自憐豪氣在，步檐夜看斗牛文。

林兆斗孤輿次施愚山先生韻二首

海闊孤峯小江空落照閒僧居鮫室裏佛坐蜃樓閒塔湧
疑無地潮來欲動山腥風何處起應是鉢龍還中流一
卷石宴坐足銷閒客話烟波裏禪心水月閒四鄰
雪作屋對岸斗爲山文卓雙祠在忠魂自往還

二孫女割股紀事

髮膚受父母古訓戒毀傷聖賢懼滅性以此慎其防豈其
少小女片念起蒼黃但欲療親病危險非所量嗟余齒垂
暮膝下鮮雁行一兒與一婦年俱四十強舉二男三女婚
嫁尙未遑婦欲違奇疾平地動欲僵怔忡驚悸瞑眩苦
莫當身如翻風鳥魂如簸浪航耳鳴徹晝夜如鼙鼓瞿塘
飲食日以減肌體百方醫治無效以旣祈禳勞巫覡藥餌窮
閒數載救治經百方著蔡靡不叩父象少吉祥大小兩孫
女聽之候盈眶阿珈甫及笄阿金僅十霜執手相告語感
頰心傍徨曰母病已篤未試惟股湯阿姊持小刀呼妹捧
爐香相將閉高閣焚禱向彼蒼姊鬻左臂肉刺血不淋浪
妹握爐中灰急爲掩其創旋復自抽刃割肉刺血不淋浪
昏復甦遺忘染衣裳相戒秘弗語忍楚下樓房陰攜兩片
玉裹置儲栗囊夜伺羣睡酣縷切調酒漿及晨侍母帷婉
容勸母嘗一啜二豎去不敢居膏肓自此漸加餐就枕亦

少康阿嬬及浹旬惡氣發故瘡沐不能握髮力不勝提筐
舉家問其故答語具若伴荏苒半載餘殊不露毫芒阿金
逢溽暑袒裼忘閉藏起居伴祖母中夜同臥牀展轉出鮮
癢墳起簇而長母疑詰再四覲縷述其詳伊母竊聞之奚
啻刃割腸但解生女悲不信同藥王長女年二八激切或
其常如何十齡女銛鋒甘截肪乃知至孝心幼穉賦維皇
高高雖在上可格惟天良粵稽古秦氏姊妹重洛陽鑿腦
剜股肉活父於瀕亡至今數百祀雙名壽表坊吾家二孫
女差足與頡頏援筆志其概隱行
庶以彰匪敢事虛飾於以要旌揚

董龍錫龍翔山房別諸同社

中流臺殿接滄瀛風物蕭蕭佛界清入幕雁堂纖月照浮
空鼇闕慧雲平江閒遠岫天邊出樹底疎星雨後明此際
木杙應可渡別
離猶作世人情

康應薰送喻邦相明府之蘭溪

城下雙流似練鋪君懸明月照冰壺溪蘭舊擷湘江佩仙
舄初乘漢殿鳬彈處琴聲皆白雪種來花樹亦元都梅邊

遠憶揚州句可
寄山中野客無

謝天壇江心寺

誰將卷石屹江中不與塵寰烟火通
三島分支僊子宅六鼇背負法王宮
雲翻塔影浮波面潮帶鐘聲過海東
共道老龍眠欲起須臾雷雨滿長空

林嘉圭偕峰嶺上人江心觀濤

高聯廬嶽社言共惠公游聽法龍
依座憑虛蜃結樓鐘連金籟發塔
挾玉山浮試問東流水還同甌海
不辜元聞與陳子宏黃信侯晚集
浩然樓

落日泊孤舟登樓眺素秋長空迴
塞雁冷露濕沙鷗臥聽金風起疑
從銀漢游一尊聊共醉漁火滿蘋
洲

林公琦江心寺

寶刹湧中流潮平兩岸浮
龍游珠作網蜃吐氣爲樓縹緲
凌三島清虛駕十洲繽紛花雨下
不覺濕貂裘

蔡有甸寄周斗畦

聞予入山深山深不見人逸民端好道高憂豈憂貧
匣劍非忘國囊書且愛身世情看日甚時事總難陳

黃喆月夜登浩然樓

登樓良夜逢三五月色江聲正當戶月色照人有古今江
聲走月無今古生看江月兩悠悠萬丈明河天際流欲挾
飛仙唱黃竹隨風直過鳳麟洲

曾曰忠笙臺

郭外峯高子晉臺曾傳仙跡隱崔嵬蕭蕭嶺路迷荒草鬱
鬱松根長綠苔駐鶴亭空山月冷吹笙人去野雲迴只今
流水鳴幽谷疑有遺音度壑來

林岱高遊孤嶼

扁舟晴日渡中川綠樹參差列几前佛住龍宮緣說法僧
從蜃市得棲禪兩峯常臥烟波裏雙塔高撐霄漢邊咫尺

蓬瀛人不識卻
於海外覓神仙

邵家默送徐龍門還武林

南州高士硯爲田
遊屐閒來海嶠邊
琴暑賦傳梁苑筆
池塲詩和謝公篇
六橋花柳催歸棹
九斗風烟繞別筵
文酒幾年同雅集
臨歧握手思茫然

送維揚樊大山

廣陵高士梁園客
行笈重攜慎海邊
素練筆追摩詰意
縹囊詩擬少陵篇
潮生孤嶼人千里
船到雙溪月半川
二十四橋春正好
歸時花柳爲君妍

梅占魁池上樓次韻

晉宋衣冠事已陳
閒窺岸鳥落紅巾
縱游欲做尋山屐
得夢應憐續句人
樓外名園芳跡古
池邊青草舊時春
諸君不負登臨興
詩酒相酬送主賓

黃誥同友人集龍翔山房

載酒同君掉小舟，好爲把臂入林游。
樓吞大海潮初上，簾捲長空雨乍收。
聽法蛟龍隨岸繞，忘機鷗鳥逐波流。
一尊相對斜陽晚，不盡天風報早秋。

黃一鳴登岷岡山

嶺遠千盤磴巖臨，百丈梯不因山路峻。
那覺世途低，密樹雲橫布懸藤。
鳥側樓眼前，詩思活雁字向空題。
何應薄留雲亭。

翠色湧東城，華蓋連積穀。
古洞飛丹霞，仙踪留白鹿。
登臨暢襟抱，視聽豁心目。
海影三千尋，人烟十萬屋。
劉根逸駕遙，謝客清風穆。
雞嶺偃青杉，龜池披紫蓼。
山川不改顏，雲物長如沐。
舊址一朝新，孤亭相望臺。
石磴上層層，松濤起謾謾。
凌空接太清，聳立迎東昱。
愛此不時來，倚杖留雲宿。

樊文璞偕同人遊孤嶼

縹緲珠林俯碧流三山疑失一神洲
烟雲潭底蛟爲室風雨空中蜃結樓
攬勝已堪恣遠眺消閒還欲訂重遊
相看只有漁家好長向波心棹小舟

林敷紫遊大若巖

一覆靈巖十畝宮洞門高與白雲通
冰壺影徹三更月石室寒侵六月風
似疊龍鱗山骨起如鳴鼉鼓足音中
扶輿鍾秀知多少奇關由來甲海東

張元彪懷侯夷門

歲暮羣芳歇清瘦寒潭月潭月照孤影
含情念離別驂驢傷踟躕驚馬行超忽
淚滴黃金臺金盡淚成血我折嶺頭梅
君踏燕山雪兩地正相思相思渺難越

宿烏黎冷井寄懷三弟肇上

賽神擊鼓夜蒐田獨宿烏黎冷井邊
異俗異人吁可怪涼風涼月未成眠
螢兒煮得黃雞粥海鬼飄來白板船
安得

秋空騎鵲去蘇
家兄弟兩癯仙

馮文煥趙十四燃乙太史招同遊萬柳堂作三首

錄二

相國池塘萬柳森春郊多暇此登臨樓頭龍護
蹟寺裏花拈古佛心草樹有情和雨長水雲無主帶烟沈
廉公勝集堪遙憶小石曾爲發妙音名輩遠遺先代蹟
勝遊近屬後來人樓臺何必真無地邱壑還宜置此身種
柳金城容易老沈碑峴首幾經春只
今風物何如舊梁燕沙禽語自親

張元觀送嶼沙以侍御巡按臺灣

驛路關河落葉飛羣瞻驄馬泥光輝風聞片紙傳青史執
法一星離紫微海外東坡詩集富日邊槎使故人稀記君
圖紀曾先兆萬
勿潮頭立繡衣

答虎文大兄粵東寄懷次原韻

風雨荒涼怨硯田行吟長向藥欄邊已經歷落梅皆實無
復顛狂柳欲眠離夢難尋東粵路遠書來自外洋船因知

萬井黃雲裏指
點飛鳬吏亦仙

蔡宏勲夜坐環綠草堂

靜夜坐幽齋窗開自展懷峭風來半榻斜月轉空階
煮茗山泉潔敲詩竹韻諸案頭塵不到一硯是生涯

張元旭陪錢太史遊仙姑洞

巉巖古洞五丁開傳說仙靈此脫胎入夜素娥窺月隔
晨玉女侍妝臺騰空嵐氣侵衣袖倒影巖花落酒杯乘興
不知歸路晚撩人江鳥尙徘徊

潘青元秋夜

秋蟲切切繞階鳴枕簟微涼夢未成
起抱瑤琴彈一曲平沙鴈落月三更

周鳳岐登承恩寺眺望次李立夫明府韻

亦有登臨興而非王粲樓風來桃渡急柳向白門秋
人事難如願湖名尙莫愁千年龍虎氣寂寞冷珠邱

夜寒有感

萬里書生舊簿冠三年遊跡傍長安錦衣驕馬自春色紙閣蘆簾又歲寒塞北淒風礮杵急江南歸夢水雲寬亦思城下堪投釣慙愧王孫一飯難

題李雨亭明府鳴琴種花小照二首

飛鳥南來是散仙花團騎省柳含烟政成留得囊琴在省識春風已十年朝起開衙暮放衙可餘逸興到春華只應燕麥雞桑外多種桃花與李花

馬浩除夕

終日倥傯歲忽除一燈兀坐意何如病無妙藥惟除酒窮到空囊只著書莫葉堦前應盡落梅花檻外已先舒莫愁此夕寒更永瞬息春風滿敝廬

林維濬夏日閒吟次韻二首

錄一

驛聞佳客到人地喜相宜坐我雙松下吟君五字詩
山晴銜月早花密送春遲無限琴書樂神閒意不馳

童振聲虎跑泉

探奇幾處白雲迎坐愛園林水一泓倚石閒看天倒影隔
林乍聽雨飛聲潤分古壁烟霞濕寒徹空山草木清笑酌
不須愁日暮踏歌歸去月華明

王崇勲長橋

甌陽雨後曝沙堤一道虹光過碧溪石驚灘頭浮浪暖紙
鳶天半入雲迷烟嵐曲水龍蛇繞竹樹高門燕雀棲踏遍
村莊無住著高低芒履不沾泥

朱鏡物小遊仙錄

三

家住蓬萊第一峰羽輪來往五雲從常於弱水洪濤裏百
尺長竿釣白龍紫泥捧詔下瑤天瓊島重經思惘然一
片東流滄海水向來記得是桑田麻衣草屨碧荷巾
賣藥人閒五百春忽到瀾城傷往事月寒荊棘看銅人

馬世俊自武林歸途中作

回首鄉關已隔年，春陰夾岸鎖寒烟。
半帆夜色嚴灘月，一路花香穀雨天。
塵事勞勞傷夢鹿，旅懷忽忽聽啼鵲。
西湖多少風光在，南北峰頭好夢牽。

高國同友人登泉山過五美園借宿

山花如雪落紛紛，山鳥如歌處處聞。
深谷初過三日雨，遊人已入萬重雲。
遮天樹影依岡合，到澗泉聲觸石分。
因過上方還借宿，晚來一飯煮溪芹。

陳之恕春日感懷

今古人如新舊年，放開詩眼自陶然。
梅香噴處拈花笑，夢境清來共鶴眠。
差喜諸生供硯稅，敢誇一得是薪傳。
雲汀雪爪知何定，聊繫蘆根自在船。

紫芝閣卽景二首

一帶蔬園傍郭斜何人却向此爲家可能容我誅茅地願
種東陵五色瓜道院春風醉曉鶯憑欄詩思逼人清塵
懷已覺都消盡又
聽疎鐘三兩聲

曾立勲月夜歸舟懷武義諸友

辭家纔閱月返棹渡滄洲一葉浮波出千山夾水流
臨風生太息伏枕憶新遊夢與蟾光逐危難最上頭

宮怨

繡戶迎風任自開蕭蕭輦路長莓苔
忽聞鸚鵡籠中語錯認宮娥捧詔來

周京齡烏夜啼

寒烏夜宿城東頭鳴聲啞啞振高秋月色如銀滿行路
游子夜度輕帆去畫樓驚起未眠人腸斷江波渺雲樹

春日有懷鄭霞城姚佃芝二同學

柳色驚春曉遊人隔遠天離家纔數月惜別已經年
夜雨生芳草東風叫杜鵑相思不相見望斷鳳山烟

讀洛神賦

黃初事業尙三分吳蜀連和壁壘軍
一副孤臣憂國淚故將離思托湘君

吳國青春宿集雲寺

偶宿集雲軒春深氣漸溫蒼松藏翠鳥碧嶂隱青猿
靜倚山閒月閒烹井底源上方鐘磬歇擊柝出前村

王涵遊陶成洞

山腰疑結化人宮巖竇常留鬼斧工檐外星辰窺碧落洞
中日月問鴻濛到來心地清如水行踏遊絲澹若空丹竈
定知流石髓誰教迷道似空同

曾春暉重九日訂約登東山不果

東山非僻遠絆足豈無因欲赴三秋約難驅萬斛塵
閒雲應笑我佳興獨輸人遙想登高伴擎觴憶伯倫
程吉士春晚書懷寄東莊諸同人

獨憐芳草憶王孫不放春歸閉小園片片飛花紅送酒依
依新柳綠遮門匏瓜似我身常繫碩果何人剝僅存此日
茂陵猶病渴一窗風雨易黃昏

周冕秋夜寄懷魏允涵妹婿

今夜月明好故人不在茲西風吹別况秋雁憶歸期
霜雪鬚顏改江湖歲月馳據牀成獨咏松影上衣遲

邵南金擬溫飛卿楊柳枝詞二錄

幾日春陰長嫩條風前低舞小蠻腰相逢處處皆牽恨不
獨傷心是灞橋和雨和烟野店旁春來葉葉感鵝黃千
條縱使長如線怎續離人欲斷腸

曾儒璋盧溝曉行二首

作陣西風午夜酸盧溝曉月帶霜寒依依回首岐亭柳舊
雨春明話別難茅舍雞聲度曉風行旌搖曳月明中七
千里外閩南路一樣春光照眼紅

張元彪讀南華經四首 錄

今晨乃出郭風物呈暄妍朝曦散平楚浮光動長川行行
過山阿落澗漱瑤泉春禽語古樹文魚躍清澗手把南華
經倦倚監輿眠非夢亦非覺漆園
多寓言會心在言外何事探空筌

張正宰新秋卽事東胡象川光耀

雨過西城秋水肥湖光山色滿人衣白蓮匝寺香將晚叢
菊綴籬花尙稀樹到鐘聲初月上波搖堞影一舟歸樓中
吹笛人何在目送長空獨雁飛

城南池館卽事夏日雨中作

急雨初過雲自閑留雲亭子臥雲閒江風漸漸將雲去
下雲中積穀山路入雲根一徑幽枕流石畔漱清流雨
中樹色青如沐坐臥看山池上樓北窗涼吹送冷冷華
蓋峰青人畫橋欲俯一杯臥海水負琴直上大觀亭飛
霞洞外松如鬣玉帶橋邊水似紗數點雨餘深綠暝斜陽一桁送歸鴉

胡森桂過武林有詢温州孤嶼之勝者詩以答之

宛然浮玉在中流
山色濤聲四面收
佛呪蓮花開寶界
人尋瑤草到瀛洲
塔鈴自語風生夜
漁笛誰吹月正秋
約略西湖堪比擬
不妨喚作小杭州

金際會新秋卽事

賸有遊春興
重尋出浦橈
扁舟浮古岸
流水過新橋
羨鳥青雲近
懷人白晝遙
煙波多許恨
相對未曾消

谷廷桂贈金左莪璋

博雅襟期妙論新
淵然玉海浩無津
我推後輩爲前輩
君是今人識古人
賈島詩才曾鑄佛
鄭元經學久稱神
獨憐書卷空撐腹
未遂文場氣一伸

張涵鄭興

綠樹陰濃接翠微
幾家煙火傍巖扉
山深地僻遊人少
一路溪雲欲上衣

林敷英孤嶼懷文卓二公

大江日夜拍天飛星河欲瀉壚影微萬里狂瀾快如駛孤
嶼兀作中央砥我來孤嶼重徘徊上有文卓之祠當山隈
祠前古柏不見日祠下蛟龍吼如雷前朝人物浪花中蒼
茫天末起悲風浩然之氣不可滅耿耿赤日懸精忠吁嗟
宋季臣節苦山河破碎終無補惶恐灘頭零丁洋慟哭江
南無贖土黃冠不作方外遊瓣香夜燒星如雨百餘年來
誰繼起緇衣僧帽香山裏燕子欲飛春風吹月兒照處忠
肝披袖中密疏夜半上臣自繕寫人無知阿廢詎非隋文
子叔父不作南遷徙國家養士三十年唯有卓敬一人耳
蕭蕭柴市子規啼龍飛天外塞雲低但有遺跡驚騎虎空
把歸期悲乳紙可憐碧血化精衛何日長江得西逝洪濤
終古走雷霆颶風東來泛屏翳古碑欹立夕陽殘碧蘿厯
落山花丹白雲無心自來去忠魂不歸江水寒

任一桂送李石農夫子陳臬滇南

萬里滇南道行旌不可留銘心國海水翹首易門秋
瘴癘消天外曾蠻拜馬頭龍門高且遠何日許重游

北道感懷

九十春將半其如客思何鶯花荒驛少風雪異鄉多
鹿鹿塵中夢烏鳥酒後歌黃金猶未盡一劍我重磨
任一松秋砧

寒氣逼林薄秋風急暮砧此閒添旅况何處問鄉音
天外孤鴻答遼西子夜心清時征戍罷努力事鉞鉞

周學潛林霽峰招飲飛霞觀

仙風逸千載洞口餘飛霞霞光與山色紫翠紛交加一徑
入窈曲古木蟠龍蛇霽峯瀟灑人丈藻摘天葩相邀素心
侶肴果成咄嗟延陵清絕俗美玉無纖瑕亦有葉與劉菁
英摘詞華而我廁其間鴛鴦入渥洼觥籌互交錯清談靜
不譁境偏息舊處清思無由
邪駕言返南城城頭聞暮笳

周學演巨魚歌

蜃江江頭風雨惡雪浪排山潮陡作巨魚仗勢若空行昂
首直從天外落雲崩海立驚凡目天之生也使是獨常鱗

凡介盡奔逃，潛虬無聲老蛟伏。本擬乘浪恣往來，那知潮落無風埃。身橫千畝去不得，大聲噴薄喧霆雷。海人觀之意不足，踏背扳援嚴乘屋。連檣駕爭取，攜有肉如林。欣果腹餘腥，委棄在泥沙。羣鳥爭啄恃爲家，血海如注水爲赤。殘鱗飄墮亂成麻，得而離之以爲腊。味類犂牛均不識，腹中空洞飽萬人。豈料强者遭弱食，千年神物非常材。一朝失勢傷虺噴，白龍魚服知無奈。爰居避風亦可哀，專車骨節驚詫見。網漏吞舟何足羨，誰言跋扈逞強梁。造物無常日，千變世人觀。天如坐井，少見多怪。誰復省詎意尋常咫尺間，幻出奇觀變光景。憶昔龍伯一釣連六鼇，大力負之若秋毫。盜使晚來終不惜，善藏其用斯爲高。

周學瀛羅山早行

雞聲唱遠，隣月影挂高樹。僕夫駕言邁，濛濛天未曙。若笠圓歌風，袷衣涼濕露。忽聞杜宇啼，攬轡不能去。

項維仁仿宋人小畫自題

蕭寺鐘沈夜寂寥，水風瑟瑟月輪高。阿儂長作秦淮客，幾度思鄉立板橋。

秋晚京口送別張玉芝歸豫章

言別折衷腸離筵淚滿觴君今渡揚子何日到彭郎
水驛蘆花月山程樹葉霜詩成付魚雁有客滯吳鄉
金陵懷古

金粉易成空休誇天塹雄東南無王氣禾黍滿秋風
月冷千官冢僧閒六代宮道傍耆井在歲歲野花紅
朱鋒果園弔項處士

代謝悲塵事人存物亦存愴懷墮碩果轉眼變唐園
盡化石巖骨全銷花木魂風流天所靳幾許到兒孫
陳渠英石門觀瀑

力上何年劈此門奔流界破遠山痕聲排秋谷雷常殷花
捲晴空雪亂噴百尺銀濤飛碧落一簾珠雨濕黃昏勢傾
石壁千尋迫我欲梯雲上溯源

張步瀛謁文信國祠

正氣常留天地新
千秋孤嶼有孤臣
雄心欲鼓中流楫
赤手難扶落日輪
帶跡甌江非得計
殺身柴市已成仁
我來憑弔瞻遺像
門外潮聲咽暮津

曾瑛酬友人秋懷原韻

細雨鐘聲欲暮時
一燈如豆照相思
驚看白雁天邊字
懶寫黃花籬下詩
落月屋梁空有夢
秋風鬢影易成絲
明朝樽酒休孤負
已近登高作賦期

秋夜漫成

閉門來客少
且自倚欄杆
棋罷枰猶布
詩成墨未乾
殘燈依壁靜
疏雨滴階寒
聽到誰家笛
吹愁入夜闌

季觀樂次韻武林紀游五首

錄一

六橋錦轡兩湖船
春日花嬌秋月圓
我唱竹枝君解和
三生再訂舊因緣

高溥竹書架歌

以竹作紙紙作書藏書作架仍取竹書乎架乎幸聚族憶昔吾父購書蓄吾弟同此檢篇牘傷哉兩世棄背速書架無恙緊我獨架如有知爲我哭閱日一萬二千六無數朱門皆破屋君不見珠玉埋沒同泥沙耳目珍玩充口腹吾家竹架歸然存撐護空壁伴昏夙時而拂拭光如沐奇節古香紛馥郁架乎架乎吾尙忍饑不以爾易穀爾須堅守古書供我讀與我相依得清福

潘宗耀紅花謠

買紅花索錢現難得花好價又賤小婦染頭繩大婦染綃線短牆矮屋都紅徧東家老婦怨向天偏儂少年花值錢十餘緡紅花去綠跗日已向午頭未梳阿姊年二十阿妹年十餘皓腕欲脫青臚枯揀花未了將何如尙有數斗筠籃儲研紅花如擣素女兒揜臂蛇豎注向爹索輕紗向孃索細布不辭十日纖指黃看取衣上顏色妬教儂不枉城中住染紅花沾素手一領新襦花一斗手重染花無手輕染花有更取小姑娘嫁衣裳阿婆自恨筋力朽分付阿奴休落後滌紅花趁清晨紅日未出井花新昨夜花色紫今晨花色勻花垢洗盡見花身同隊相看妬煞人堂前阿

姑瞋不瞋 曉紅花爭衣桁東房西舍不相讓花濃要日
烘花鮮要風漾窗櫺檻紛紛向農家生來兒女多姑姑
嫂嫂須原亮 試紅花裁新布一生染花能幾度著取今
年衣往踏去年路南塘幾日觀闌划與郎隔舟重相遇看
儂衣新人如故

潘宗瀾出郭

出郭日猶早入春信尙微和烟菜把嫩經雪麥苗肥
水暖魚知樂風和蝶試飛車行泥滑滑問訊款柴扉

金陵感賦

金陵遺事奈愁何六代銷沈幾曲歌
廿四橋頭簫韻寂空餘明月照清波

雪後和陳莪野張南洲原韻

作賦梁園境又新松枝低亞竹橫陳不教塵壒留些子如
此聰明有幾人風味試從茶領畧光華分得月精神蹇驢
背上無尋處一
笑乾坤盡化銀

梅花和韻

何處仙人姑射姿，偶從驢背寄相思。
疏籬明月來相訪，流水空山見一枝。
春在江南孤驛路，夢回村店獨眠時。
前身試向何郎問，絢被官衙自詠詩。

張泰青久雨

天鼓撞破雷聲死，日月爭浴絳河水。
歐刀割痛乖龍耳，鮫人訴天泣不止。
市樓寶廚久脫底，漏却百萬玉珠子。
石燕飛舞鵲鳩喜，世人住家漏天裏。
階蹲蝦蟆案走蠅，雲壓炊煙溼不起。
簷頭銀繩挂絛絛，滿階人聲響屐齒。
作如是觀，半月矣。咨嗟老農困窮，士雨師頑聾。
何乃爾欲召飛廉，供驅使雲衣立就，玉女褰白日光，明一萬里。

清江浦看月

瑟瑟涼風吹水聲，如星燈影數竿明。
榜人欲睡寂無語，獨立船頭看月生。

曾煜擬韓冬郎已涼詩元韻

銷金帳穩玳鉤垂鳳蠟燒殘青玉枝
七彩被薰香百和碧紗窗外月明時

沈式琳擬韓冬郎已涼詩元韻

耿耿清宵玉露垂回廊潛濕竹千枝
芙蓉花落秋江冷消受紅燈綠酒時

金璋紅花詞

三月花田紫翠攢採花人怯曙光寒一肩喚賣春紅早送
入城中露未乾磨蕩生香豔化膏楮黃色漸轉紅嬌怪
他炙手重研後絳雪經春暖不消

補紅花詞

親花雨過嫩涼辰分掩階灰布種勻預囑兒夫輕著手此
花膽怯似閨人麥花零落菜花黃花信遲遲到水莊差
喜兒家花捉早今年花市趁頭綱香風拂面五更天
出戶人爭燕子先一月弓鞋長溼露茶園踏遍又花田

金禹田癸丑七夕遇雨疊韻

天上星期雨裏過含顰仙子亦停梭雲階待月空垂帳漢
渚生風欲起波隔水寄懷人宛在登樓乞巧夜如何祇因
酒道勤屏翳仙界霏微下界多去年望斷鵲橋過舊事
尋思恍擲梭暫詣偏逢巫女雨凌虛如步洛神波繡衣
曝痕猶在香果仍供意若何寄語
仙家休洒淚人閒離合不勝多

陳舜咨大觀亭秋望

斜日驚颿急雁聲秋光萬點落孤城東甌舊壤臨邊盡南
戒諸山到海平澤國桑麻多衍沃江關鯨鯢漫縱橫憑誰
大力迴天地長見滄瀛徹底清

二月初浣自滇省赴曲靖途次作

客路長亭復短亭頻年蹤跡幾飄零數莖老鬢無情白一
桁春山有味青旅食未須彈劍缺生涯早擬買漁舸舊溪
又是清明近花片沾泥滿釣汀

潘壘過青田

半江殘照半江煙
小小山城欲暮天
我學仙人吹鐵笛
好騎雙鶴過青田

周衣德述懷

狐貉不踰濟橋袖
不踰淮物生遂其性
亮由地氣佳人則
異於物匪因遷徙乖
丹桂出層嶺芳蘭被
秋涯馨香不遺
遠奚憂
寡所諧

望赤岸山房

別有誅茅地方知
避俗深山爲太古
穴水是自鳴琴石齒
橫溪密巖腰構屋陰
紅塵飛不到可作葛
天吟
聞說雲
深處靈山複幾重
巖門通細徑石屋拔
奇峰古洞
祠龍母春壇養鹿茸
欲遊難踐約凝望碧
芙蓉

溪行

每愛溪行勝陸行
免教攀陟太勞生
水禽導我多閒意
山翠窺人有故情
九丈潭深龍影臥
雙巖灘險虎牙撐
淹留
日暮沙邊宿何處
浮楂貫月橫

徐作礪觀獵

西風刮地衰草折萬木摧霜露山骨健兒馳馬獵平原挽
弓發矢真橫絕黃雲萬里平沙飛揚鞭直入狐兔穴餓鷹
疾眼脫韝條韓盧足捷肆猖獗一騎迴鞭一騎追前者鴟
張後豕突忽然散如流星飛登山越坂共超蹶忽然合如
陣雲屯星旗雲罕齊羅列警之秦鹿衆共爭雄心壯氣各
相埒吾聞三驅之典下大綬不卵不麋取有節殺物當存
生物心莫使掩羣盡剪滅綬轡
歸來宴烹鮮春在梅花枝上雪

張大鏞陳氏雲山樓晤周君懋時

百尺崑崙地三年故舊情人如梅影瘦詩叶竹聲清
陳榻逢君下周醪向我傾孤舟明日別別恨又重生

月夜中川送別

送君從此別別恨幾時消岸閣天低樹江空月弄潮
人回孤嶼晚舟向枯蒼遙無奈離亭畔春風著柳條

張振夔前種山謠

后稷藝五穀則壤遺方嶽耕九可餘三羣生賴以育番諸
自向來百顆可充斛形巨勝蹲鴟味甘等芋菽秋陽暴爲
絲療饑洵果腹奈何耕鑿者梯巖窮幽谷亦既芟荆榛旋
復斫松竹根籐絡山石沙土相繫屬始如毛髮鬚繼且膚
肉剝雷雨動滿盈奔石填溪瀆遂令五都河大半化爲陸
禾田失灌漑九歉乃一熟嘉種雖云增歲計翻不足我聞
眉犁公豫戒南田族後有橫陽人來佃亟驅逐吁嗟帝者
師卓爾抱先覺方當垂訓時此物尙隱伏近出未百年蔓
延徧荒服但知受益宏誰復立約束平原可播琴功自助
饘粥開闢及岡陵實不堪荼毒有川嘆其乾有山童然禿
入夏渴秋稔謀炊缺薪木矧彼寄棚居負隅弄刀槩
利病儻相權逼處明可燭作此種山謠願入輶軒錄

聽蛙

禾田方補秧羣蛙吠不止爾吠諒有因仰天爲請水苦念
溉種艱得雨爾亦喜今看山頭雲膚寸冉冉起強聒雖可
羞猶勝呼庚癸長官寂不聞翻覺天尺咫開畦
引遠流求獲正謀始未獲安有租催科已在里

櫻欄吟

原注侯烈女永嘉嘉蘭女年十九未字同治壬戌
四月朔賊犯菰溪女隨母登山避之母行疾賊追

永嘉縣志

卷三十四

七

及女傍有機欄樹女堅抱不去賊刺其喉而死機欄挺

立無交柯賊驅羣醜摩肩過一女默省行竟止堅抱茲樹

吁嗟乎

剝膚剔毛不言苦勁葉青青自終古

截指行

原注余烈女永嘉相溪人父茂全業農壬戌二月

指喜其

艷而有大力囑他婦苦勸之女堅不從賊怒遂遞截

九指而

女暈絕賊亦去次早父母昇之歸猶言兒指雖截

兒身幸

完不為二老辱言畢而逝田家女兒慣作苦幾

曾識字

通今古一朝遇賊甘舍生慘慘素手能支拒賊豔

顏色刀

乍停目揮里嫗為結盟女言豺狼匪我匹笑爾妻

豬身自

呈回頭詈賊力更奮賊欲褫衣不敢近突前引指

如切葱

罵聲未絕竟昏暈可憐赤血勻花茵陰風慘澹飛

青燐强

延餘喘辭阿母兒今鼓掌猶完人可歎高牙有巨

擘斂盡

薑芽何日伸

哀赤釜

原注王烈婦永嘉任橋王瑤藻妻樂清支連斌女

屈賊怒

聚薪炭煉釜盡赤謂不從將烹汝婦愈詈賊以兩

刀舉釜

置婦腹上竟去家人斂其屍惟臙中灼痕大如盤

甚堅一將軍守城不守關近郭賊來出剿難任驅婦暨如
羊豕一羣齊上郭公山喧傳有婦最英烈刀脅繩纏經百
折自拋眷屬逐隊行分甘一死完吾節至性難馴賊益嗔
毒謀破格欲嚇人聚薪煉金烘天赤云再不從燔爾身婦
聞疾詈不住口舉釜著腹賊却走可憐一灼魂上升留得
膽中長不朽吁嗟鼎鑊甘如飴日出當心信有之官軍殺
賊知何日先擷
白華奠一厄

柯鳳翔題姚仲蔚歸真記

曇花一現太恩忙歸去瑤宮歲月長不是回風成小謫人
閒那識玉卮娘裊裊瓊枝的的珠二姚才豔一時俱有
人長抱王郎恨天上人閒差勝無

陳汝坤謁文丞相祠

四鎮良圖張未伸當年航海歷艱辛讀書所學是何事報
國如公會幾人孤嶼煙霞歸涕淚五坡風雨到江津至今
鳴咽潮聲裏來往雲旂似有神

陳汝瑛登孟樓

直上桃梯四望通
雲窗霧閣倚玲瓏
滿江白浪抽帆外
一桁青山捲幔中
隔院鐘魚聲出樹
高檐鈴鴿語當風
乾坤例是詩人宅
牘得層樓與孟公

顏泗源題雪夜綳兒圖爲孟又襄作

父病呻吟兒未識
兒啼宛轉母心側
雪花如掌夜如磐
母抱兒眠眠不得
欲安兒父止兒啼
吞聲翻叩鄰家壁
就綳重裹暖熨臍
覓路較寒刺骨歸
來燈燼慘不紅
屋角烏暗淒絕
眼盼春回藥餌
靈心懸夜永
糕糜缺此景
欲追摹縞素
光中淚凝血
兒能長大
讀父書綽
楔恩榮耀
雙戟年年風
雪到門闌
難認荒莎
舊行迹
回首艱辛
五十秋至今
巷姬粗能
說堂前愛
日杳莫追
綳裏孤兒
頭又白

陳星慶戊子秋過館頭

浪游已過菊花天
一片輕帆一葉船
秋水亂葭飛野鷺
夕陽衰柳噪寒蟬
風聲兩岸荻蒲葉
暝色千家橘柚煙
老大

也如江上婦
琵琶泣斷四條絃

冬日偶成

兩三閒屋老儒家
爆竹聲中促歲華
別有閒情天不管
銅瓶紙帳夢梅花

閒居雜咏四首

錄一

關千書靜坐焚香
一卷義經趣味長
三十六宮參破後
樹頭紅日已斜陽

鄭烺和周荔腴明府留別原韻

錄一

宦海浮沈歷十霜
依然一葉抵錢塘
勞薪車走長安道
濟世舟浮普渡航
秋野黃雲收穀賤
春城紅雨種花忙
慈悲生佛風騷吏
合署聲名字字香

金鎔新樂府頌周荔腴明府德政二錄

勸戒煙有田種穀食難續有土栽煙欲易足人人情願作花農不植稻梁植罌粟罌粟之葉翠田田罌粟之

花鮮可憐采之擷之成鳳餅一塊遂可值萬錢飯後茶前
日沈痾重簾不捲留香霧一寸心思一寸灰鴉毒之煤人
不悟埽除積習本王朝煌煌聖訓日星昭不獨惜
財兼惜命為民一一厘憂焦公也奉令皇然起勸諭諄諄
乃如此受病深淺各不同總之限以三月止革則承庸否
則威口頭之誠罔敢違香火因緣今已矣一朝痛改知前
非地却牀頭一燈盞保得中人百家產豈容錮疾成煙霞
如醉如醒悔未晚從此肺腑絕熬煎人人各得保天年也
如寒食清明節爭
聽沿途說禁烟

督濬河歐郡自古稱海邦繞城有水通三江江流直與河
行風無力一篙乍下一篙停時聽舟人長歎息吾公意欲
窮河源翻車戽水聲潺湲得寸則尺尺則尺濬淪功不閒
晨昏荷耒持耨傍岸走彼也爭先此恐後不嫌同在泥塗
中想見胼胝足與手蕭蕭灑灑脫朝衫忘却自家好頭街
臨河一笑風滿袖為說河工我所監到此水各分街陌流
動滿盈皆恩澤決諸東亦決諸西不數深溝通鄭白吁嗟
乎公之功河流並大大莫容人閒舟楫不到處頓教十一
為疏通公之德江水同深深莫測河渠直欲廢陳編十里

長隄手
補得

陳承暄孤嶼弔文丞相

蛟龍夜走真江秋仗義孤軍逐斷流
流到海天唳雁盡至今尺土亦松楸

呈周藕農夫子

先生鬢髮白於雪先生意氣高過雲
老禿不負中書君銳
可一筆掃千軍貧乃一家養入口臘
燈搖搖雪花厚敗裘
面壁飢鼠走飯索門東兒機下樓上婦
先生拍案讀漢書笑向家人呼觴酒

蘭谿學齋作示同學二首

錄一

側徑莓痕老荒城水氣橫天寒鳥雀靜地僻虎狼行
山館旅愁定鄉關兵事平將幢向西去劍戟肅千營

曾佩雲遊仙巖寺

佛像最森嚴龍顏又虎髯
曇雲香氣結僧衲早寒添
蠟展行厨便鱸魚美酒兼
真成仙世界不厭久留淹

曾荷雲春日偕友人遊仙巖寺

覽勝上危巔山川別有天雷鳴千丈壑雨散一溪煙
嵐翠供春媚花藤罨石妍莫嫌腰脚倦隨意抱雲眠

曾賢謝公亭

聞道永嘉守風流屐屐屢經詩情寄孤嶼遊蹟賸閒亭
吏隱江湖開潮生天地青至今撫碑碣猶得仰英靈

癸卯春吹臺山麓生壙新成紀事詩二錄

百年家世傍松臺華屋山邱一例開此事人生原有分漆
燈未焚沈彬來青桐花發墓門深三十年來一片心畱
與清卿證同穴山巔先瘞舊時琴

曾元琳華蓋坐雨作

與雲分住屋三閒涼夜橫經坐掩關人影短檠依古壁雨
聲殘葉下空山十年親友頻相問一夕秋懷問未刪回憶
前宵風月好碧天無際鴈飛還

贈徐耘石

浮生苦恨學雞廉有限光陰擲米鹽名士性情惟辣少秀
才氣味怕酸添食蟬祇覺從前誤啖蔗何妨入後甜畱得
三閒王冕屋梅
花歸去日巡檐

菰溪道中

風帆葉葉上菰溪獨客籃輿轉向西榕樹陰中松鼠過棗
花香裏竹雞啼一羣黃犢夕陽遠三面青山霞影低縷縷
炊煙林外起故
人家在白沙隄

曾壇遊東坑

山徑迂透入楓丹嫩葉黃寒泉春淺確久照散平湯
石妥當溪坐林深有寺藏更期春雨後來看瀑流長

謁雙忠祠

張許列封疆睢陽並組豆死地予以祠國典由來舊八閩
橫機槍甌土罹兵寇誓志保孤城宰官與憲副閩帥倒厥

戈脅降不爲守兩公奮而起憤激大聲詬叛卒聲恂恂霜
刃夾其脰臂斫氣益強頭斷身不仆熱血灑蒼穹風雲慘
白晝義義華蓋山夙昔有遺構丹碧暗雕甍莓苔積石甃
風肅雲旗翻月黑靈車走同時從死奴恍惚尙左右撫衣
仰前楹再拜酹清酌忠義流芬香國賊有遺臭

潘銘憲紀事

廉有序鎮平之長潭明鼎革邑人林丹九孝
廉殉節處也道光庚戌中秋都戎忠丹臣招

飲於潭之高閣因與友人黃鶴樓金子襄少尉鈕華亭暨
邑紳張實生徐紫庭黃仲方共議築祠以祀旋至一線天
觀瀑亦孝廉避亂幽居之地孝廉忠節昭昭二百餘年祀
典尙缺余謬膺司牧表揚之舉風化所繫豈異人任耶擬
卽日鳩工今日之會非偶然也詩以紀之曲徑通幽策
杖尋荒巖斷磳任攀臨夕陽流水孤臣恨碧海青天報國
心避世當時憐白髮築臺今日貢黃金披襟坐對西風裏
薦爽宜人秋氣深夏玉瑤瑤百丈漱瀑飛人靜此勾畱
風顛水面奔魚影日炙松髯閃堆裘奇局澄天爭一綫
靈山浩氣自千秋年年賸有傷心月還照長潭古渡頭

張應庚孟冬虎門于役候潮

玉漏聲殘客夢回虎門東下片帆開南荒地暖初聞雁庾嶺春生欲放梅霜氣打篷漁火冷西風吹月夜潮來自憐兩鬢蕭蕭髮愁聽江城鼓角哀

晚至忠信墟

山晚月初上霜林起暮寒炊煙破歸鳥溪水落漁灘墟散人聲寂農閒歲事闌夕陽無限好不厭幾回看

朱步蟾看花

紅情綠意總貪癡雨夕風宵費護持一度看花一惆悵愁他開到十分時

周貫忠偕孟劍秋錦城游飛霞觀

欲覽飛霞勝偕行過綠田樓高涵日月洞古鎖雲煙山色疎林外濤聲臥樹前劉公遺蹟在何處覓飛仙曾希輅秋夜不寐

西風響林薄蛩語逼窗紗欹枕不成寐愁心亂似麻故交秋後葉新貴眼前花無計消岑寂開軒望月華

秋柳

東閣荒園葉又黃
阿誰還唱永豐坊
半塘寒漲涵疏影
一樹殘枝戀夕陽
煙鎖千條春似夢
霜飛三徑夜初長
腰肢瘦盡渾無力
猶自隨風舞欲狂

陳燧定羌州之官

錄二

帽箱綬笥小安排
到處爲家慣便佳
六里臺隍三面水
千門燈火一條街
雨延草色連山閣
風送爐香出郡齋
日午放衙無甚事
坐看蝸角上苔階
閒來官府似神仙
小住蓮峰意灑然
雨後山光濃發黛
晴來水色嫩生煙
隔河鷺堠關中驛
落日魚罾峽口船
莫道此行非幸事
眼前都作畫圖傳

徐學誠咏林霽山

紅羊劫火遍江東
痛恨諸陵草莽中
白石一編留正氣
青山千古泣孤忠
箋詩幸有章和父
同志惟知鄭樸翁
每向昆陽仰芳躅
飛雲渡口弔悲風

咏鄭初心

世亂馳驅古越中文竟報國已成空珠襦玉匣悲先帝野
棘荒榛望故宮辨禮獨能存正義著書原不墜宗風薊山
歸隱人何處根
少豐碑爲表忠

孟錦城咏松臺山淨光塔磚硯

熙寧遺跡寄松臺零落殘磚出草萊四角摩挲成古硯千
年拋擲枉良材土華不蝕留塵界神物相傳贖劫灰珍重
一方須愛惜雲
烟都自此中來

張慶生題池上樓圖

錄一首

鷗鷺自忘機人生若刺促憶昔少壯時飛揚隨驥騄是時
君難兄才具無雙玉佳招集堂皇好釀出醞醖巾袖一沾
濡談笑遂繁縟泉山最敏妙十詩刻寸燭醉中呼阿連視
草不停續茂叔愛荷葉刺船刺菱緣中有楊金華雄辨翻
棋局滄海閒評詩掀髯目屢矚余也百無能身長如立鵠
秋風生沈寥半追劉根躅俯仰二十年悲湍瀉哀曲一往

起遐思刺
刺爲君告

陸潮溥謝公嶺

嶺路連村路迴環夕照斜亂峯雙客展紅葉萬人家
磴曲修蛇綰林深宿鳥譁爭墩噴大謝徒此占煙霞

陳體芳雲岫晚眺

山路雲中出樵夫荷擔行歸霞明樹影落日冷鴉聲
鐘韻溪流逐人蹤野渡爭摩崖題句罷嶺上暮雲橫

石門夜泊

朝過青田縣暮宿石門洞
秋雨長灘聲驚起孤舟夢

閑居雜詠

四首錄二

兩三閒星老茨茅貧賤何須爲解嘲欹枕詩從深夜讀撫
琴門怕俗人敲蛛絲巧幕東西燭蜂蜜新分上下巢更有
滿庭秋色好綠蕉紅蓼補牆坳少年貧賤我忘吾閒散
眞同渚上鳬王通事奇占未中子平理妙算仍迂縱橫落

筆成龍象潦倒論交到狗屠漫說
多能揮鄙事憑人一一濫吹竽

曾詣晚過飛霞觀

風葉晚蕭蕭憑闌酒易消樓臺山外市楊柳水邊橋
遊客尋詩夢仙人種藥苗何當明月夜鶴背坐吹簫
秋夜對月有憶石門

銀河天上水一片落人閒明月此遙夜石門何處山
仙騎黃鵠去僧老白雲閒洞口秋長鎖煙蘿不可攀
入畫樓晚眺

一碧湖光盪晚涼隔湖風送稻花香
石磯有客閒垂釣無數蜻蜓下夕陽

張正綬登東山作

劉子仙去矣謝客不復作至今東山東遊人殊落落我登
山之腰風景恣領略下視行路人紛紛小於鶴莫謂登山
勞茲山良不惡石可眠我琴泉可供我酌俯仰天地閒興
到別有託猛欲造其巔苦無健腰脚可止且自止志豈在

邛壑歸來日已
昏蒼煙滿林薄

閨秀

宋

楊氏婦送夫從軍

海壇門外浪滔天
妾上城樓君上船
回首西風深巷底
梅花霜月夜如年

元

吳氏答鄭生

淚珠滴滴溼香羅
病裏芳肌瘦減多
莫怪夜來春夢淺
不知今日定如何

明

徐氏

胡岱
輿室
春夜

涼月轉樓西空庭景自淒
不成蝴蝶夢厭煞子規啼

楊氏夜雨

小窗夜雨不堪聽點滴芭蕉葉有聲
珠淚暗拋孤枕冷一燈如豆夢難成

劉氏秋閨

柏葉初紅野色荒天邊歸雁兩三行
一聲喚起愁人夢鏡裏秋風鬢有霜

國朝

陳瑞輝

張曾室

夏夜卽景

閨中喜見月當頭丁字簾前雨乍收
坐久不知天欲曉滿庭風露夜如秋

子泰青捷秋闌口占示勉

雖是秋風得意還莫將故態逞癡頑功夫不廢芸窗下
姓氏期登蕊榜閒桂子一枝看已折杏花三月更思攀春來

衣錦榮歸里祖
父泉臺亦解顏

馬如珮曾賢室蠶詞六首錄一

社鼓繁聲未稀前溪浴種趁晴暉
歸來門巷春如海滿地鶯花燕子飛

題畫

晚風斜拂釣絲微一葉漁舟溪上歸
楊柳灣頭春水長落花和雨撲蓑衣

曾碧芸吳錫祥室曾氏姑娘媳雙貞詩

苦節稽家乘傷哉二母俱鵠飛雙影折鴛夢一生孤
皁日心同誓流泉淚並枯覆巢更負子辛苦幾含荼

張鳳慧潘福綸室七夕

萬古良緣豈偶然偏教別恨到神仙阿儂若也生天上定
與黃姑議聘錢疎星幾點淡銀河此際鉏耒想已過郎
自添香儂乞巧不
知巧思付誰多

寄外子

聲聲杜宇喚殘春偏是他鄉聽得真
啼雨啼煙都不管莫教啼向遠遊人

方外附

羽士

宋

李少和自詠

寶珠探妙得真宗五色分明煥太空
解下連環竟超越鬱羅深處宴鴻濛

林靈素題元祐奸黨碑

蘇黃不作文章客童蔡翻爲社稷臣
三十年來無定論不知奸黨是何人

夏元鼎絕句

水東影志 卷三十一
崆峒訪道至湘湖萬卷詩書看轉愚
踏破鐵鞋無覓處得來全不費工夫
元

梅芹自題小像

石斛花開劫外春百城煙水漫勞神
誰將秋兔毫端寫貌出山林幻有身

龍虎山

龍虎山中紫氣濃山靈呵護漢時封
真人攜室朝天去閒却樓臺十二重

釋子

宋

肱禪師題雁蕩龍鼻水

雨足雲收得暫閒漫將頭角寄空山
鼻端一滴無多子引得人人到此閒

惟謹舟泊枯蒼溪口

茅店在山下，機舟茅店邊。
鐘鳴何處寺，日落滿溪船。
欵枕雁初到，離家月又圓。
向來曾過此，夜泊石門前。

懷賢圓通白衣閣

白衣閣外繞朱欄，人在琉璃菡萏間。
誰把此花爲刻漏，脩行不放一時間。

曇貴頌古梅

帶雪含霜半倚籬，橫斜影裏露仙姿。
前村昨夜春來了，竹屋老僧猶未知。

元

無礙聞蓮

箇中消息本尋常，幾度無端漫度量。
今日疑團百雜碎，西風一陣白蓮香。

文信西湖竹枝詞

湖西日脚欲沒山
湖東月出牙梳彎
南北兩峰船上看
怡似阿奴雙髻鬟
感金麒麟雙髻了
白銀作甲彈琵琶
何曾辛苦事蠶織
水口紅船長是家

益伯閑居偶成錄十四首

白雲堆裏埋頭久
地老天荒總不知
樵徑有霜尋藥冷
石窗無月了經遲
青羝北海憐蘇武
黃犬東門歎李斯
萬古史編在天下
流芳遺臭更尤誰
一瓢飲澗碧雲涼
老桂吹香滿石林
未熟黃梁猶是夢
偶觀青鏡自生狂
人無靈智方逃謗
物有奇才始受傷
手拍長松發長嘯
戰爭三月火咸陽
千載繁華一彈指
區區朝暮欲何爲
黃金百鎰有時盡
白髮一莖無藥醫
蕉下漫勞尋麋鹿
海中誰解接盲龜
西風入夜涼如洗
人在南柯夢正癡
一逕欹斜住藿蓬
半羅紅粟倩溪春
山中有客見真虎
世上何人識臥龍
秋竹萌芽穿斷石
老藤行蔓上枯松
晚風斷送雲歸盡
聽得原西寺裏鐘

明

行傳徑山卽事

一肩枯木穿雲出兩隻芒屨印雪來
報道東風消息早嶺頭無數野梅開

超習再遊山菴

頻年不踏山菴路今日重游憶昔蹤
眼底看來無別異門前添得幾株松

海願拂席

拂席閒房坐空懷遲暮心爐香孤座冷燈火隔林深
老樹連雲暝疎窗暗雨侵夜來多寂寞懶病自難禁
受識偶成

經行烏石嶺長嘯白雲端夜月山光靜秋空斗宿寒
談心揮塵柄問偈坐蒲團點破金剛眼乾坤掌上看
國朝

彬教題曹將軍廟

永嘉縣志

卷三十四

五

新碣依江口荒祠落照平人煙雙徑出古木一橋橫
水國蛟龍氣靈臺鳥雀聲千秋功業在廟貌獨崢嶸
超羣詠周吏部應期

吏部懷冰雪劍誓天津雄支厦哀一木圖南光赤衷
孤拙田單計獨存文山風淒淒一關冷萬古仰貞忠
詠王太僕瑞梅

太僕徇殉士獨嬰時艱難北書苦不達奮南勢已殫
竭海非社稷吞金正衣冠忠魂歸帝座遺風使人寒
詠葉文學尙高

葉子忠之傑狂歌泣天傾落落何黯澹耿耿懷光明
明倫正孔廟危言振金聲誓死端陽日千秋骨琤琤
宗相春日訪延福寺存如大師留宿

春日遨遊興飄然過滌東寺藏修竹裏徑入白雲中
洗鉢香泉活穿花野鳥通談禪街茗椀新月上簾櫳
無言雨中望寂光寺

捲簾春雨寂高臥望氣氤氲寺隔千村雨鐘迷萬壑雲
板橋高柳映曲湖石泉分煙景堪圖畫憑誰上錦紋
仙巖訪雲川慧明二大師不遇

夕陽湖上泊漁舟山色招邀訪二休
林鳥不啼歸路寂秋風黃葉打人頭